

UMULOLA WAKWA

LESA UKUKANAILUKWA



Nomba ilyo amabumba yesu yacili ayanono, ifwe twalaesha uku—ukwangufyanya, ukufuma pa kutila twingacita, ukubomba pali ili pange limo, kuli imwe ukwiluka Umulola wakwa Yesu Kristu. Mwamona? Nga Ena epo ali, kanshi, cinshi, ifintu fyonse fyapwishiwa. Ena alengele Cebo. Ena ali muno ukushininkisha Cena. Ena alashininkisha ukutila Ena ali no kushininkisha Cena. “Ena aba fye cimo cine mailo, ilelo, no muyayaya.” Ifwe twali mu mwene Wene ukucita cena mailo bushiku, ukupwililika; ifwe tulemumone Wene, cila nshita ya bushiku, kabili akasuba panuma ya kasuba, kabili umwaka panuma ya mwaka. Tapatala nshita nangu imo ilyo Ena alandile cintu icili conse kabela, te mulandu ilyo cena cali, ilyo cena cali no kucitika, ukufuma mu nshita amakana, pali ifyo fyali umupwilapo pa cifulo, pa nshita, kabili ifyalungama. Musango nshi cingaba? Ni banga abaishiba cilya, no kwishiba bukapyunga, no kwishiba ukutila cilya cishinka? [Ulukuta lwatila, “Ameni.”—Ka.] Mwacimone co. Tapaba nshita imo, te mulandu ifyo cili, ifyo nangula nge cishingacitwa, calicitike cimo cine fye. Ena ni Lesa! Kabili nga ifwe kuti twailuka fye cilya, ukwikatilila fye cena!

² Kabili nomba ifwe natukwata fye nshita inono ukuba muno. Ndetontonkanya inshita sha bushiku shitatu na shimbi, atemwa inshita sha bushiku na shimbi shibili na kasuba, panuma ya bushiku ilelo. Ndetontonkanya pa Mulungu mu cungulo e kulongana kwa kulekeshesha. Ifwe tukesha ukwisala pa Mulungu mu cungulo pakutila bakacema no muntu onse. . . Ifwe tatulefwaya ukumutalusha imwe ukufuma ku lukuta lwenu. Ifwe tulefwaya fye ukulundako abengi ku lukuta, kabili no kupela fye imwe icitetekelo icingi muli Lesa uo imwe mubombela mu lukuta lwenu. Mwamona? Kabili ifwe tatulefwaya ifibi fya lukuta ukwisalwa, awe nakalya. Ifwe tulefwaya imwe ukwikala kulya, lelo ifwe tuleesha fye uku mwafwilisha, ukukoselesha imwe. Ukupuputulwa tacilipilibula ukulundako nabambi abengi ku lukuta; ukupuputulwa cipilibula ukupuputulwa cilya ico imwe mukwete kale; cilya cishinka, ukupuputulwa.

³ Nalimwene nshita imo kululamba lwa bemba, uko mwela walepupa, kabili wene waletenkanya fye. Cinshi, cena tacali kululamba lwa bemba, cena cali—cena cali ku Lake Michingan. Naliminine kulya lubali ukulolekeshesha amatamba ilyo yena yaleisamo, kabili—kabili, owe, ulya bemba aleima, atemwa

amenshi yaleima, kabili—kabili amabwato ukusunkana. Kabili natontonkenye, “Ni cinshi cilya icilecitika?” Natontonkenye, “Cinshi, bema nakwata ukupuputulwa.” Cilya eco. Wene aletoloka no kusunkana, cinshi? Palipo icipupu ica cimwela icikulu icileisa pali wena. Natontonkenye, “Cisuma, namwishiba cinshi? Tapalipo itoni nangu limo ilya menshi muli lyena ino ine nshita ukucila ifyo yena yali ilyo yali shilili umupwilapo.” Tamuli nakabili amenshi muli yena; yena fye yonse naisunkanishiwa. Cisuma, nomba, cinshi ico isunkanishiwapo?” Mwalishiba ifyo kusunkanya kwa menshi efyo kucita? Kulafumya ifiko fyonse ukufuma muli yena, ukuya kululamba.

⁴ Cilya eco tufwaikwa, ukusamfya ukukana tetekela, pa lulamba. LekenI Icebo cakwa Lesa cibe intanshi. Cilya eco tulefwaikwa, ukupuputulwa, no kusamfya ukukana tetekela konse kunse, kabili ifishishi fyonse ne fya malele, ne fintu. Ukufuma no kumona ukutila Lesa acili ni Lesa. Cilya eco tukwatilapo ukupuputulwa.

⁵ Shikulu atwafwilishe ilyo tulesala ili sambililo no kubelenga lyena muno bushiku. Shi Shikulu engapala ukubelenga kwa Cebo Cakwe, icilesangwa muli Mateyo Washila, i—icipandwa ca 12, 38 kabili ukufika vesi ya 42.

⁶ Isambililo lyandi muno bushiku nili: *Umulola Wakwa Lesa Ukukanailukwa*. Mailo bushiku ifwe twalelanda pali Yesu ukuba cimo cine mailo, ilelo, no muyayaya, kabili twalimwene ukutila Ena aba cimo cine mailo, ilelo, no muyayaya. Nomba Umulola Wakwe, nga Ena aba cimo cine, telukwa. LekenI tubelenge.

Elyo bamo aba muli bakalemba na baFarise balyaswike, abati, Mwe Kasambilisha, tulefwayo kumone cishibilo kuli imwe.

Na o alyaswike atile kuli bene, Nkulo ibifi kabili iya bucende ilefwaya icishibilo; kabili icishibilo tacakapelwe kuli yene, kano icishibilo ca kwa Yona kasesema:

Pantu ifyo Yona ali munda ya cisabi inshiku shitatu akasuba no bushiku, e fyo no Mwana wa muntu akaba munda ya calo inshiku shitatu akasuba no bushiku.

Abena Nenebe bakabukila mu bupingushi pamo na ba nkulo iyi, no kubaseka: pantu balilapile ku kubila kwa kwa Yona; kabili, moneni, uwacila Yona ali pano.

Kabili namfumu wa ku kapinda kaku kulyo akabukila pamo na ba nkulo iyi mu bupingushi, noku baseka: pantu afumine ku mpela sha pano isonde ku kwisaumfwa amano yakwa Solomone; kabili, moneni, uwacila Solomone ali pano.

⁷ Umulola uwakukanailukwa! Nicinshi ico aba bantu bengalatontonkanyapo? Lesa lyonse, cena caba ulya musango cila nshita Ena aisa. Ilyo Yesu ali pano umuku wakubalilapo, Atile, “Imwe—imwe mulawamya kabili mulashingula ifibumba kabili ne nshishi shabakasesema, kabili ni mwe mwe bababikile mulya.” Mwamona, cintu cimo cilacitika, kabili cena cilacilila. “Kabili Lesa alafisa cena ukufuma ku menso ya bamano na ba mucetekanya, no kusokolwela kutunya ngo to twingasambilila.” Yesu atotele Tata pa kucite ca musango filya. Mwamona? Cena cilaya ukucilila abantu kabili bena tabacishiba cena.

⁸ Tutile, imwe mwe bantu ba Katolika muno bushiku, muleibukisha imyaka yapitapo inono, Joan wa ku Arc, mu France, na mayo munono uwali mucine. . .Ena atungulwile ukusangukila mu France, lelo ena ali mu cine u—umubomfi wakwa Kristu. Ni cinshi ico ulukuta lwenu lwacitile kuli Ena? Lwali mocele ena pa cimuti, nge ndoshi, pantu ena alemona ifimonwa kabili ali uwa bumupashi. Ulukuta lwa Katolika lwali mocele ena, nge ndoshi, pa cimuti, pantu ena ali uwa bumupashi kabili alemona ifimonwa. Imyaka inono panuma, baishilesanga kutila ulyo mwanakashi ali uwa mushilo. E ico mucine imwe mwalikwete ukuicusha ukukalamba, imwe mwaimbile imibili ya balya ba shimapepo abo aba mwebawile ena no koca ena, no kuposela yena mu mumana. Mucine, cilya, imwe mwalikwete ukuicusha ukukalamba pali cilya, pa kwimbaula iyi mibili ya ba shimapepo.

⁹ Nomba, mu nshiku sha bakasesema, ni cinshi icacitike? Bena balicitile cintu cimo cine. Bena tabailwike bena mpaka bena ilyo baishile, bukapyunga bwalipwishiwe, ukusenda ukufumya muli balya Abasalwa, kabili lyena panuma ilyo bena baile bena balilwike ukutila kwaliko kasesema pakati kabo.

¹⁰ Yesu, Ena alishile pe sonde. Ukuba pamo Nankwe ali ni Tata, Lesa. “Ine na Tata twaba umo. Tata ekala muli Ine. Te Ine ne ulebombe milimo, lelo Tata. Kabili nga nshilebombe milimo yakwa Tata, mwi ncetekela.” Nomba, nga imwe mwamona ilyo Ena aishile nalimo cimo—cimo pa makumi pabula na pabula icipendo ice sonde calishibe ukutila Ena ali pe sonde nangula pali ilya nshita, kabili nomba Kapususha we sonde. Kabili elyo bena tabatalile ukwiluka Ifyo Ena Ali, nangula ulukuta napamo nangu umo uwashala, nangu panono, mpaka bena ilyo bamutanike Wene, ukushikwa, no kubuka pa bushiku bwalenga butatu, lintu bena tabalati beshibe ifyo Ena ali.

¹¹ Cilesamo no kuya, kabili abantu tabeluka cena mpaka cena capita, kabili, bena, pa mulandu wa kutila cena tacilingana na masambililo yabo aya bulesa, cena tacilingana ne nshita ya bulya bushiku. Mwamona, cena ni cinshi, bena lyonse bekalila mumwengelele uwa nshita imbi, lyonse.

¹² Umulandu bena tabasumine Yesu, ni pa mulandu bena baleikala mumwengelele wa Malango. Kabili ilyo Yesu aishile, tacali ukupusana na Malango, lelo aishile ukufikilisha Amalango. Cisuma, bena tekuti basumine Wene pantu Mbila Yakwe tayali filya fine fye umusango bena baifumishepo yena, kabili baleita yena lilya intambi. Kabili Ena taishile ukulingana ne ntambi shabo. Ena tasungile ntambi shabo. Kabili mucine Ena ashileshifulunganya shena, nokulepula shena, kabili–kabili acitile fintu ifyo fyali ifyapusana kuli shena, mu bwingi icakutila bena batontonkenye Ena aleonaula inkuta. Kabili bena tekuti ba mupokelele Ena pa mulandu wa Mbila Yakwe. Kabili ifwe bonse twalishiba ilelo ukutila Ena aishile filya fine mu mushilwa wa busesemo wa kwa Lesa, lelo bena tabaishibe cena lilya.

¹³ Kabili cena kuti cacitika nakabili, kabili ifwe tekuti twishibe cena. Ine ndeelenganya nga Ena kuti mucine amoneka muno bushiku, cena kuti caba icapusana nganshi kuli fyo ifwe twaelenganyapo pa fyo twalenga, kabili mu masukulu yesu ne fintu. Cena kuti caba abanono nganshi abo abengeluka ico calecitika. Atile cikaba filya, umusango Ena aishilemo.

¹⁴ Nomba, Yesu pa kuba kulya ukwishibikwa nganshi mu Fyalembwa na Malembo, kabili bakalemba na ba Fariseo aba bulya bushiku balifililwe ukumwishiba Wene. Mulandu nshi bena tabacitile, mulandunshi bena tabacitile cena? Pantu bena balicelengenyene cena umusango umbi. Palya epo Yesu abebele, “Mufwaya mu Malembo, pantu muli yena mutontonkanya na mukwata Umweo wa Muyayaya, kabili yena e ya Nshimiko bunte.” Mwamona? Nomba Ena aishile filya fine pamo na Malembo. Lelo bena baelengenyene cena nalimo nga cakutila Ena akesa, Mesaya limbi akescita nge fyo Mose acitile, atemwa ifyo Noah acitile, ukubakulila icibwato atemwa icintu cimo, cimbi. Lelo, umulandu Ena aishile umusango Ena acitilemo, bena tabaelengenyene; mu Malembo pamo ne ntambi shabo, tafyabasambilishe bena; e ico abantu bali abafulunganishiwa nganshi bena tabaishibe ico calecitika.

¹⁵ Ndesunguka nga cilya calicitike ilelo? Ine ndesunguka nga cena teti cibe ukupusana ukucila ifyo intambi shesu shatusambilisha? Kabili cena kuti caisa, kabili cintu cimo kuti capita kabili ifwe teti tutale no kwishiba mpaka cena ilyo capita, kabili cena capwa. Cilya cili fye umusango umo wine cena cili nokwisa.

¹⁶ Bushe mwalishiba, ilyo Yohane Kabatisha aishile mukumonekela, cilya calilandilwe kabela ukufuma fye konse kulya mwi Buku lyakwa Esaya, imyaka imyanda? Nalimo imyaka imyanda cinekonse konse, Esaya aliseseme, ndetontonkanya, ilyo Kristu talaisa. Bushe mwalishiba Yohane aishile filya fine umusango Esaya asosele ena akesa, ena aishile

filya fine umusango Malaki asosele ena ali no kwisa, kabili nangula abatumwa tabacilwike cena? Ubushiku bumo, muli Mateyo 11, Yohane ali mucifungo; kabili abatumwa, bamo mu basambi bakwe baile kulya ukwipusha Yesu bushe Ena ali Eo, atemwa—atemwa bena balolele umbi.

¹⁷ Nomba moneni, Yesu tabapele ibuku ifya kuicindika umwine, ifyo alingile ukuicindika umwine mucifungo, atemwa umusango uwa kulangisha imibele yakwe. Atile, “Loleleni no kumona ico cilecitika, kabili muyelangisha Yohane ifintu ifyo mumwene filecitika.” Cilya cali cishininkisho ukutila i . . . Ena ali cilya Cebo.

¹⁸ Kabili nomba ibukisheni, Icebo lyonse cisa kuli kasesema. Ifwe bonse twalishiba cilya. Lesa tacita kantu ukwabula ukulangisha cena kuli bakasesema Bakwe. Ulya e mulandu wine Ibuku lya Kusokolola ilya kwa Yesu Kristu kwaba ukusokolola konse ukutuntulu kwakwa Kristu pano pene kucinso cesu, Ibuku. Nomba Ena alingile ukutuma umo, umo muntu ukushininkisha lilye Buku, ukusokolola Lyena, ukwisula Ifikakatikilo, kabili na fimbipo. Lelo kulingana nge fyo ubusokololo na bumbi bwakwa Kristu, bwena bwalishibikwa kale Munu mwine. Ena e mwisulo wa Ici, uwa Busokololo. Nomba moneni, tacatala ukufilwapo, lelo Icebo cisa kuli Kasesema.

¹⁹ Lolekesheni pali Yohane ukwiminina mu menshi, ukulandila kabela, kasesema, ukutila Mesaya ali lilya line pakati kabo. Atile, “Kuliko Umo uwiminine mukati kenu nomba, uo imwe tamwishibe; Ena akamubatisha na Mupashi wa Mushilo no Mulilo.” Nomba ibukisheni, Ena aliminine palya pene pakati kabo, Baibele eflyo yasosa, kabili bena tabacishibe Cena. Ubushiku bumo ilyo Yesu aishile aleenda, Yohane alimwishibe Wene, kabili atile, “Moneni Umwana wa Mpaanga wakwa Lesa uyo usenda ulubembu lwe sonde.” Nomba lolekesheni, ilyo Ena talaishibikwa no muntu uuli onse, Ena aishile kuli kasesema. Ena ali Cebo. Yohane ali kasesema.

²⁰ Ndeibukisha kafundisha wandi uwakale Baptist alinjebele, atile, “Nawishiba ico cacitike?” Atile, “Yesu abatishe Yohane.”

Natile, “Ine nshiletontonkanya ifyo.”

²¹ Atile, “Mucine, Yohane tatalile abatishiwa; ena aishile aleshimikila ukubatisha, tapali nangu umo uwali uwalinga ukumubatisha Ena. Yesu ali mubatishe ena.”

Natile, “Shaishiba.”

²² Kabili ubushiku bumo ilyo mukusoma, Mupashi wa Mushilo asokolwele cena, nge fi, mwamona. Moneni, Ena aendele ukuya mu menshi; atile, “Cinshi ico Imwe mwaishila kuli ine? Ine ninkwata ukukabila ukubatishiwa na Imwe.” Yesu atile, “Leka cibe ifyo,” moneni, “lelo nacyana kuli ifwe

(ukuyana kuli ifwe) ukutila tufikilishe ubulungami bonse.” Yohane, pakuba kasesema, ukwishiba Icebo! Ilambo Ena ali, alingile ukusambwa ilyo talapelwa; elyo Ena alibatishiwe, Yohane ali mubatishe Wene, pantu, “Cintu cayana kuli ifwe ukutila ifwe tufikilishe ubulungami bonse.” Icebo caishile kuli kasesema, mu menshi.

²³ Kabili lyena ilyo Ena abatishiwe, nalyo line abantu...Kabili Mupashi wa Mushilo aishileika, te muntu onse uwamwene Wene. Yohane alimwene Wene.

²⁴ Malaika wakwa Shikulu kuti aba muno mwine muno bushiku, kabili nalimo umuntu umo kuti amumona Wene, kabili takuli naumbi.

²⁵ Lulyo Lubuuto, ilye Ntanda iyo yaishile pafya ku mwenako fyonse, uko a—abaume aba mano bakonkele; takwali apakumwena abaishiba icintu cili conse palwa Cena, takuli na umbi uwamwene Lwena, awe nakalya, kano balya abaume bamano, pantu cali ica kuli bena ukumona Lwena. Bali lumwene Lwena. Lwali ulutuntulu kuli bena.

²⁶ Ilyo Ulubuuto, Ntumba ya Mulilo, ya wishishe Paulo panshi, mu nshila ukuya ku Damaseke, ena ali ilwike ukutila ena ali mu Mulola wakwa Lesa. Nomba, ulyo mu Hebere nga tatalile ukwita umupashi uuli onse, “Shikulu,” nacimbi ena alishibe Ilya yali ni Ntumba ya Mulilo imo ine iyo yatungulwile abantu bakwe ukufuma mu matololo. Atile, “Shikulu, ni Mwe Ani?”

“Sauli, Sauli, cinshi ico ulendamatila Ine?” Atile, “Nine Yesu.”

²⁷ Yesu atile, “Nafuma kuli Lesa, kabili ndebwelela kuli Lesa.” Ena ali ulya Mulilo uyo wali mu cimpusa icalepya, uyo watungulwile Mose ukupita mu matololo, kabili Ena alibwelelemo kuli Cilya.

²⁸ Kabili nomba uyu ali apa, mu nshila ukuya ku Damaseke, alipuminwe panshi. Kabili bonse abaume abali pamo nankwe, bena tabatalile ukumona ilya Ntumba ya Mulilo. Kabili yena yali nganshi—ituntulu nganshi kuli Paulo mpaka yena ya pofwishe amenso yakwe, kabili ena aishiletungululwa kulya ku musebo Uwaololoka mu Damaseke. Ena alipofwile.

²⁹ Ananiya, kasesema kulya lubali, alimwene mu cimonwa, alile no kuyabika indupi pali wene kabili ena alipokelele Mupashi wa Mushilo, kabili ifimamba fyawile ukufuma mu menso yakwe kabili ena ali mwene nakabili. Cali icituntulu nganshi kuli ena mpaka cena calipofwishe amenso yakwe, kabili nomba tapali nangu umo abashala muli bena abailwike Lwena ukuba palya, ukulumona Lwena.

30 Efyo—efyo cili na muno bushiku! Pali umo muntu uwikele apo pene uwingaleta Lesa mukumonekela, ilyo bambi tabakeshibepo nangu cimo palwa Cena. Ukwishiba Lesa!

31 Kabili Yesu, ilyo Ena ali pano pe sonde, kabili alibombele umupwilapo icishibilo ico Baibele yasosele ukutila Ena akacita, lelo bena tabailwike cena pantu cena tacali ukulingana ne ntambi shabo. Kuli ilya nshita, Ena tali nokwisa no kucita ifyo Mose acitile. Ena ali nokwisa no kufyalwa muli na cisungu. Kabili Ena, kabili ukulingana na Malango 18:15, Ena ali no kuba Kasesema. Kabili filya fine Ena alibombele ilya milimo ne fishibilo.

32 AbaYuda lyonse balefwaya ifishibilo. Bena balisambilishiwe ukukanashintilila pa malyashi yaba sambilila; abaYuda balishibe bwino ukucila cilya. AbaHela balisambilisho cilya. Lelo te malyashi aya basambilila, lelo pa fishibilo. “Tulangisheni icishibilo.” Aba bantu, umo atile, “Rabi, atemwa Shikulu, tulangisheni icishibilo.” Bena balefwaya ukwishiba. Kabili Ena alilbalangishe kale bena icishibilo, kabili bena balefwaya umusango wapusana uwacishibilo, lelo Ena kuti acita fye icishibilo ca ilya nshita.

33 Efyo Ena acita ne lelo, uku kupongolola ukwa Mupashi wa Mushilo caba cishibilo ca kumoneka Kwakwe nangula ni muli iyi nshita, nge fyo Ena alaile.

34 Bena balafwaya icishibilo, kabili Ena alibapele icishibilo ca mu Fyalembwa, lelo bena balefwaya icishibilo icapusana.

35 Palya epo abantu abengi nganshi ilelo bali no kufulunganishiwa. Namwishiba, Ukusendwa limbi kuti kwacitika, kabili tontonkanyeni ubulanda bwa cena! Leken mbwelele uko Yesu, atemwa . . .

36 Yohane alitumine abasambi bakwe kulya ukuyamona Yesu, nga Ena ali ni Mesaya atemwa iyo. Ilya ora, Ena alicitile fintu ifingi. Ilyo ena aishilebwela, abasambi, ukweba Yohane ifyo bena bamwene, Yesu asosele kuli balya abaikela kulya, atile, “Ni cinshi ico mwaile mukumona mu matololo? Ni cinshi ico mwaile mukumona ilyo Yohane aleshimikila? Bushe mwalile kulya no kumona umwaume na fwala mu mwingila uwa buta, kabili na fimbipo, atemwa—atemwa mu cakufwala icisuma?” Atile, “Bena eba . . . mu masano ya mfumu. Bena balashika abafwa, no kufyompa utunya, no kufya abaice, kabili na fimbipo, cilya. Bena tabaishiba ukwikata ukwalupanga ulwatwila kubili kubili.”

37 Atile, “Ni cinshi ico mwaile mukumona lyena, itete ilyasunkanishiwa no mwela uuli onse, umuntu umo, ibumba limo lili no kumupela indalama nashimbi ishinono kabili ena ali no kuya kuli *uyu* umo mucifulo ca kuya kubwite bwakwa Shikulu? Te Yohane! Umo muntu kuti amupilibula ukusosa, ‘Ifwe twalakupela na shimbi ishingini nga uli no kukana *Ici* no kusenda *ici*?’ Te Yohane!” Atile, “Ni cinshi ico mwaile

mukumona kanshi, kasesema?” Atile, “Ndetila kuli imwe, ‘ukucila kasesema.’ Kabili nga imwe kuti mwapokelela cena, uyu e ulya uo kasesema asoselepo, ‘moneni, ndetuma inkombe Yandi kuntanshi Yandi, uyo uli no kupekanya nshila.’” Kabili ilya yali ni Malaki 3, uko ena acitile cena.

³⁸ Ubushiku bumo abasambi balimwipwishe Ena, batile, “Cinshi ico bakalemba basosela ukutila Eliya alingile ukwisa ntanshi?” Yesu atile, “Alisa kale kabili imwe tamwacishibe cena,” kabili bena balilwike ukutula cali ni Yohane Kabatisha, balya batumwa abasalwa nalyo line tekuti bamone ifyo ena ali. Ulya ali ni Eliya.

³⁹ Nomba lolekesheni, namwishiba u—Ukwisa kwakwa Shikulu kukaba ukwisa kwa mu nkama. Atile, “bakaba babili mubusanshi, kabili ine nkasenda umo no kusha umo,” kulya eko u—ubushiku bubelele. “Babili mwibala, nkasenda umo no kusha umo.”

⁴⁰ Namwishiba, kuliko abantu abengi nganshi abakalaluba cila bushiku, ukufuma pe sonde, abo nangu umo engaposako amano. Bumo muli ishi nshiku cikaba limbi ukutula abantu limbi kuti basosa, “Cisuma, ulepilibula ubucushi bukalama icintu cili pali ifwe nomba? Natontonkenye Ulukuta lwali no kuya ilyo takulaba ubucushi bukalama.” Bena tabeshiba kabili no kwiluka ukutula Ukusendwa kuti kwacitika kabili bena tekuti beshibepo nangu cimo palwa cena; cena kuya kwa mu nkama ukwa Lukuta.

⁴¹ Kabili, tontonkanyeni, abantu bakalaya fye baeshimikila, ukusosa bena balecetekela bena balepusushiwa, no kulundako mulukuta, no kukula amachalichi, no kulaya fye nga filya bacitile mu nshiku shakwa Noah, kabili na fimbipo, kabili ukwabula ukwishiba cena; kabili Ukusendwa na kupita, “kwena nakucitika kale kabili imwe tamwaishibe cena.” Kuliko abantu imyanda abaleluba ukufuma pe sonde kabili abantu tabeshibepo nangu cimo palwa uko bena baile, bena tekuti beshibe palwa cena; umo muntu aleya ku cifulo cimo, bena tabakatale ukumfwa ukufuma kuli bena nakabili. Kabili cilya kuti caba Ukusendwa.

⁴² Ndemweba, mwe banandi, pa mulandu fye wakutula tuli ba membala ba lukuta, atemwa icintu cimo nga cilya, cilya tacilepilibula ifingi nganshi kuli ifwe. Imwe kuti cawama ukukakisha cilya ica bulwi. Imwe kuti cawama ukusenda cilya conse Icebo cakwa Lesa no kwikatilila kuli Cena, no kuleka imicitile iyi iya Hollywood iyaba kuno. Yena yalingile fye mukati ka lukuta, kabili cena cansoni. Lelo Hollywood ilaka, ipanga fye ulubuuto ulwabalika, kabili ulukuta ilelo luleesha ukupashanya na Hollywood. Kristu taba mu Hollywood, Kristu aba muli umo umo. Hollywood ilaka atemwa—Hollywood ilabengeshima, ilyo Imbila nsuma ilaka no kupetama. Lesa

taba muli ishi ncende ishisuma ishawamisha ishikalamba na fyonse ifi fintu ifyo tumona. Ena esa mukupetama, mu musango uwakufuka no kunakilila, cilacilila ukupita fye.

⁴³ Kabili nga imwe mwalishiba Icebo, imwe muli no kumona Cena. Uyo ukwete ukutwi, ukumfwa, “lekeni omfwe ifyo Mupashi wasosa ku nkuta,” mwamona nomba, nomba ilelo, ico calangishiwe.

⁴⁴ Ena aliilangishe Umwine bwino bwino kubacetekela bulya bushiku, balya abalelola pali cena. Lolekesheni kuli Petro na Andrea. Lolekesheni pali Nathaniele, ta mwali ilipusho mu mano yakwe. Lolekesheni pa mwanakashi pa cishima. Takwali ilipusho muli cena.

⁴⁵ Lelo aba abaFariseo, inshiku ishinono ilyo takulaba apa pali isambililo lyesu muno bushiku, bamumwene Wene ukucita cilya, kabili elyo bamwitile Wene, “Belesebuli, iciwa.” Imilimo yalicitilwe. Bena balingile ukwasuka ulukuta lwabo, e ico icintu fye ceka ico bena bengacita cali ukwita yena “umupashi uwabipa.” Belesebuli ali ni ciwa, nga filya kabuka atemwa icintu cimo. Kabili uuli onse alishiba ukutila ukubuka kwakwa Kasebanya. Kabili bena balepashanya, uko Ena ali Cebo ico caishibe inkama sha mu mutima kabili ali—kabili aleshininkisha ukutila Ena ali ni ulya Kasesema uyo wali no kwimishiwa kuli ifwe muli buno bushiku, Kalubula-Kasesema; kabili ilyo Ena acitile cilya, ulukuta muli bulya bushiku lwabilishe Wena ukuba “Belesebuli.”

⁴⁶ Mulemona ifyo bena bali? Atile, “Imwe muli mpofu, ukutungulula impofu.” Bena tekuti besemo, kabili nangula bali no kuleka abo abali pesamba lyabo ukwisamo.

⁴⁷ Ico tulefwaya ukucita ilelo caba ukusanga Icine. Ifwe tulingile ukwishiba Icine. Bushe Ena aba cimo cine? Bushe Ena ali pano ukufikilisha ifyo Ena alaile ukufikilisha? Fwayeni mu Malembo no kusanga ifyo Ena alingile ukucita ilelo.

⁴⁸ Ulya e mulandu wine uo John Wesley...atemwa Martin Luther tekuti aye pamo ne Mbila yakwa Wesley; bena bali bunganye cena, ulya e musango uo cena caile. Kulya kwaishile Luther, ukufuma mu lukuta lwa Katolika, kabili ena bena...Ena ali uwafulungana, kuli bena; lelo ena alikwete imbila iya kulungamikwa, pantu Cena cali Cebo cakwa Lesa, ubulayo. Lyena bena, panuma ya mfwa yakwe, bena babunganye akabungwe kakwa Luther. Elyo ni cinshi icacitike, cena califulunganishiwe conse nakabili.

⁴⁹ Kabili ukulingana na Malembo kulingile kwaba inshita ya lukuta na imbi ukubapo, kabili, ilyo cacitile, Inshita ya Lukuta ya Filadefia kwaimine, John Wesley. Kabili ni cinshi icacitike, calitwalilile ukulaisa ku masamba inshita fye yonse. Kabili ilyo cena cacitike, kwaliko inshita ya lukuta, kabili John

Wesley aishileima, lelo Luther tekuti apokelele yena pantu bena balibungenye kale pa kulungamikwa. Ena tekuti asumine ukusangululwa.

⁵⁰ Elyo ilyo abena Wesley babungenye umusango bacitilemo, kabili utumisambo utunono twalifuminemo, ico cacitike, kuno kwalishile imbila ya ba Pentecostal iya kubwekesha kwa fya bupe; tapali nangu umo uwa bena uwingasela, bena balikale ababunganishiwa.

⁵¹ Nomba iciputulwa ca bulanda ica cena cili, ba Pentecostal balibungenye nganshi.

⁵² Lolekesheni mu bushiku ubo tuleikalamo, ico calailwa kuli buno bushiku. Ni pesa apo tubelele? Ifwe twalisela pa mulu. Ntumba ya Mulilo ileenda, kabili abana ba Israele baendele pamo ne Ntumba ya Mulilo nga ni fyo bena balibwelelemo ku Egypti. Ifwe tulingile ukwenda pamo ne Cebo.

⁵³ Kabili ifwe lelo tuleya tuleba abananga'ni nganshi, ulukuta luleya ukuba ulwe sonde nganshi kabili ulwa fikansa nganshi, kabili e ico amano yabo yalikatwa nganshi na television, kabili *Ifwe Twalitemwa Sucey* kabili fimo ifya ifi fintu fya kale, no kwikala kunga'nda. Cilya cilelangisha uko imitima ya bantu ili. Kabili imwe kuti mwabeba bena ifi fintu fibi, kabili bena batontonkanya iwe walifulungana. Cena ni cinshi? "Abatemwa ukwangala ukucila ukutemwa Lesa." Mwamona?

⁵⁴ Owe, ukwangala ukukalamba nganshi uko naishibapo, caba ukupepa mpaka ine kuti naishiba ukutila ndi mu Mulola wakwa Lesa, kabili ukwishiba cena. Ndetontonkanya cilya cilingile ukuba ukusansamuka ukwa lukuta, caba mu Mulola wa Mupashi wa Mushilo; ukumona Lesa uyo wapele ubulayo ukwiminina pakati kesu, ukumfwa Umulola Wakwe no kumona Icebo Cakwe, no kumona Cena ukushininkishiwa. Cena cilingile ukupele citetekelo, ukulenga abalemana ukwenda, impofu ukumona, ba nkomamatwi ukumfwa, bacibulu ukulanda.

⁵⁵ Naliminine mu South Africa, uko nakwete bamo amakana amakumi yabili iya bantu mu cibansa ca kubutukilamo ku Durban, kabili ilyo bena ba mwene inshita imo cilya ukucitika umuku umo cilya ukucitika nga filya, panuma yakulondolola cena kuli bena, mu musango fye unono uwayanguka; kabili bena balimwene icintu ukucitika, ica cilya ukusokololwa, kabili abantu amakana amakumi yabili na fisano balyundepwe pa nshita imo ine. Balisendele ba motoka cinelubali ayaisushiwa, ama truck abalepa ukufuma fye *pano*, mutanda kabili imipeto ikumi limo na cinekonse konse nga filya, no kwisusha yena ne nkonto shakale. Abasenshi, abo abashaishibe uko kwali ukuboko kwabo ukwa kuso no kwa kulyo.

⁵⁶ Kabili ubushiku bwakonkelepo, Mr. Sidney Smith, Meya wa ku Durban, alinijitile kabili atile, “Kabiye pe windo lyobe, kulya ukulola ku Indian Ocean, uli no kumona icintu cimo ico iwe tawatala aumonapo.” Kabili cilya cali ukushindika kwabakapokola ukulaisa na cinelubali iya filya fi motoka ifikulu ifyaisushiwa, ne myanda ya bantu baleenda kununa ya fyena, akasuba kafumineko bali mumachila na mabusanshi kabili ne fya kusendelapo ifyo bena bakwete, baleimba, “Cetekela, fyonse fintu filacitwa.” Umulungu kunuma, kulya, bena bali mubulwi umo no mubiye, ubulwi bwabekala mushi. Kabili kulya bena baleenda, ukuboko mukuboko, umunwe mu munwe.

⁵⁷ Cinshi? Bena balilwike Lesa wa ku Mulu alimonekele ku cinso cabo mu musango wa Cebo Cakwe. Kabili ifwe fwe bena America abasambilila tulekala. Bena bakema mu Bushiku bwa Bupingushi no kwebaula ino nkulo, pali filya ifyo twamona.

⁵⁸ Cilenjibukisha ine pa mwanakashi mu Louisville, Kentucky, te kale sana, alikwete akanya akanono, ukwenda ukushinguluka mwituka lya ten-cent. Kabili ena alecita utuntu utunono, ukweshia ukulenga kena kamone, kabili akanya akanono kalitwalilile ukulolekesha fye ukutonta panse. Kabili mukulekesha ena aishileimya akanyenjele akanono, icintu icili conse ico cingatemuna amano aya ka muntu akanono aka cilya cimo. Kabili ena ali sunkenye inyenjele, kabili aka muntu akanono kalolekeshe fye ukutonta fye pa ntanshi. Kabili ena atendeke ukupunda, kabili aliponene, kabili bamo abantu baishile mukumwafwilisha ena. Ena atile, “Owe, iyo, cena tekuti cibe! Cena tekuti cibe!”

Batile, “Bwafya nshi?”

Atile, “Doctor atile umwana ali fye bwino.”

Batile, “Bwafya nshi ubuli no mwana, na mayo?”

⁵⁹ Atile, “Cisuma, ena aiketwe no kufulunganishiwa na limo imyeshi mutanda iyapitapo, kabili ena ekala fye no kulolekesha. Te mulandu ifyo cena cili, cilingile ukutemuna amano ya ulya mwana, cena tekuti citemune amano yakwe, kabili ena ekala fye no kulolekesha. Doctor alinjeba ena atontonenye ena ali fye bwino. Kabili na cimuleta kuno lubali, ukusendako utwakwangasha tumo uto twinga te muna ulya umwana, kabili ta cilebomba. Ena ekala fye tondolo no kulalolekesha.”

⁶⁰ Ulya e musango ulukuta lulebelamo? Lesa nasunkanya ubulayo ubuli bonse muli Baibele, ku ntanshi yabo. Nalyo line ifwe twikala fye no kutamba, ukulolekesha. “Cinshi? Nangisheni icishibilo, mwalacita?” Kabili cena cilecitika inshita fye yonse, pakati fye kesu. Ukuleta Umulola wakwa Lesa, cena cilingile ukubutisha ifwe. Ilyo Lesa apela ubulayo, Ena aleminina na bulya bulayo. Ee, mukwai.

⁶¹ Panuma Yesu ashininkishe nganshi icishibilo Cakwe ica bu Mesaya, ukutla Ena ali ni ulya Mesaya, lelo nombu mu cinso ca fyonse filya, “Tulangisheni icishibilo.” Mwamona, bena tabailwike, bena balelolekesha ukutonta fye kuntanshi yabo. Cena tacali muli bena ukucetekela.

⁶² “Imwe,” nge fyo ba mayo abakale aba ku kapinda ka kuso balesosa, “imwe tekuti mufumye umulopa mucilimwa, pantu tamuli nangu umo mulya.”

⁶³ Bena nalyo line tabaishibe Wene, abapofushiwa nganshi ku fisumino fyabo kabili—kabili—na fimbipo, ifyo bena bakwete bulya bushiku. Bena tabatalile ukwishiba Amalembu ya bulayo, pantu ifisumino fyalifimbilikishe cena. Ifisumino fyabo ne ntambi ifya bulya bushiku fyalifimbilepo pa bulayo bwa Malembo. Nga bena balisambilishiwe ukulingana na Malembo, ukutla cilya calingile ukuba icishibilo ico cakonkele Mesaya!

⁶⁴ Ni banga abo abacetekela ukutla Ena aishile mu cishibilo Cakwe icalungama? [Ulukuta lwatila, “Ameni.”—Ka.] Mucine, Ena alicitile, Ena aishile kulingana no bulayo. Lelo bena balisambilishiwe icisumino, “Ifwe twalicketekela muli *ici*, kabili ifwe twalicketekela muli *cilya*. Bonse muli bena balicketekela muli Lesa. Bonse muli bena . . .”

⁶⁵ Ilelo, ifwe fwe bena America, maka maka, ifwe tuletontokanya ukutla ifwe tuli no kubelelwo luse pantu ifwe tulakula amachalichi ayakalamba, kabili twalikwata bakacema abasuma ne fintu. Ibukisheni, nga cilya cali ifyo, Lesa aba ushalungama nga Ena atuletamo nga filya; pantu, Kaini na Abele, babili bakashinshimuna abakubalilapo kunse ka Edene, bena bakulile icipailo kuli Shikulu, bonse babili bapele lambo, bonse babili bapele ifya bupe, bonse babili balipepele, lelo umo ali uwalungama kabili umubiye ali mucilubo. Moneni, ifwe tulingile ukukwata Icine, kabili Icine caba Cebo cakwa Lesa, lyonse. Nomba caba cimo cine ilelo, abantu balesa mukuba abapofushiwa nganshi. Bena batila . . .

Ndetila, “Bushe iwe—bushe iwe uli Mwinakristu?”

⁶⁶ “Owe, naba ku ca ifi ne fi icintu.” Mwamona, cilya tacakwatapo icakucita na cena. Ine nshikwetepo nangu cimo ukususha cilya, lelo cilya te co ine ndeesha ukumweba. Beni kulukuta ululi lonse ulu mulefwaya ukubako. Umutundu wenu taupanga ubupusano ubuli bonse.

⁶⁷ Nacilaeba kacema mulucelo. Kulya mu Colorado nalebomba ukukolonganika, kabili na fimbipo. Kabili naleikala kulya, ukulu kwandi ukucilinganya apakwikala, nga *filya*. Kabili Umumana Wamafya Akabungwe ka Hereford kacemana Ulunika ulwa Mumana Wamafya. Lyena imwe mulaya pa mulu wa lunika, imwe na mukwata abantu aba kukabanga na masamba. Kabili ngo’mbe ukufuma *uku* lubali, mu Kabungwe, ncemena abantu ba ku masamba; kabili—kabili ibumba ilyo

nali pamo nalyo lyalishishe abantu abaku kabanga. Bena balikwete ulupango lwakucingilila kulya kukukanya ingo'mbe ukukanaya mu ncende ya bene, kabili kulya mukati ka mpili mukasuba.

⁶⁸ Kabili ifwe kuti twashileta pamo ingo'mbe, shine atemwa imisango isano iya mitundu, cinekonse konse atemwa imisango ikumi iya mitundu, pa mu mana, kuti twaleta ingo'mbe shesu mu lusuba, ukushitwala kulya. Kabili naleikala kulya, ukulu kwandi ukucilinganya ulusengo lwa cakwikalapo, panuma ilyo ifwe kwasenda ingo'mbe shonse, shonse shena shalefwatikwa ne fintu fyonse, no kutendeka shena ukushibwessha kwi cinka.

⁶⁹ Kabili ranger aleiminina kulya. Ena alependa shena ilyo shalepita. Kabili nalimwene kwaliko imisango yonse iya mitundu. Mr. Grimes akwete isha—isha—isha Diamond Bar, kabili pa mulu fye wesu twakwete Turkey Track, ifwe twakwete Old Tripod, kabili kwaliko imitundu iyapusana iyapitile palya. Lelo ra—ranger talelelekesha umutundu. Ena alelelekesha akacishibilo ka mulopa mukutwi. Takwali nangu cimo icingaya muli lilye cinka, ukusunga akabungwe ka kusandana, ukuleka ingo'mbe shabo ukuba isha cishinka ku mutundu, takuli nangu cimo icingapita kulya kano iya pwililika Hereford. Yena yalingile ukukobekwa kamo mukutwi, ku cishibilo ca mulopa.

⁷⁰ Ulya e musango cikabelamo pa Bupingushi. Ena takanjipushe ine nga nali ni—nine Methodist, Baptist, Presbyterian. Umusango wa mutundu nkwete tacakapilibule nangu cimo kuli Wene. Cena tacili nangu cimo kano uwafyalwa cipya cipya, Umwinakristu uwafyalwa mu Mulopa uwa Mulopa wakwa Yesu Kristu, balya e bakengilamo. Takuli ukucila palya abo abakengilamo. Nomba ifwe tulefwaya ukwibukisha, ibukisheni cilya.

⁷¹ Nomba, ilyo Ena teshibikwe, amaka Yakwe yaba lyo...yaba lyonse aya bulo kusokololwa, ilyo Ena teshibikwe. Te mulandu umusango Lesa eminine palya, imwe mulingile ukucetekela cena. Epela fye.

⁷² Nga filya umwanakashi uwalesuma umulopa. Bonse abantu abalepita, kabili bonse baliminine, ukusosa, "Ulya aleya Rabi. Ulya e Mwaume uilumbula ukuba Kasesema. Ili e shilu," kabili fyonse ifya musango filya.

⁷³ Lelo ni cinshi icacitike? Uyu mwanakashi umunono alikwete ukusuma umulopa, kabili ena alyumfwile palwa Wene. Kabili ilyo ena aishile kulya, te mulandu ifyo muntu uli onse asosele, ena alishibe Ifyo Ena ali. Kabili atile, "Nga kuti nakumya fye ilaya Lyakwe!" Mwamona?

⁷⁴ Kabili ilyo cilye citetekelo icacine cine, muli Lesa, caba icituntulu kuli ena, ni cinshi ico cafumishe? Cena cafumishe

amaka Yakwe kukundapa ena. Cena cakumishe Wene mu musango wakutila, Ena alipilibwike no kumweba ico cali icalubana na ena, atile, "Icitetekelo cobe na cikupususha iwe." Ni cinshi icacitile? Icitetekelo!

⁷⁵ Bambi abaiminine kulya limbi balilwalishe nganshi ukucila ena, lelo, mulemona, ena alilwike Umulola Wakwe. Ena alishibe ukutila lilya lyali lishuko lyakwe.

⁷⁶ Nga ifwe kuti twacita fye cilya muno bushiku, mwe bantu! Nga ifwe kuti twailuka fye ukutila Ena alemonekela fye muli uku kulongana, pe pange limo, cilya cili, ukulekelako ifya kukabila fyesu ifyo ifwe tukwete muli Wene, kuli ifwe. Lelo ifwe tulingile ukwiluka Umulola Wakwe. Kabili nomba ifyo imwe mwiluka Umulola Wakwe, ni lilya ilyo Icebo cabulayo ica ino nshita calengwa kumonekela, te Cebo ca bulayo ica nshita yakwa Mose atemwa nshita iya shala. Cili ubulayo ubwa Cebo ca ino nshita!

⁷⁷ Nomba tulesanga ukutila Ena alile pantanshi. Kabili Yairo, umuntu umunono kulya lubali no mwana mwanakashi wakwe uwafwa, umukashana, ena acetekela ifyo Ena asosele ukuba Icine. Nomba ibukisheni, ena ali ni shimapepo, kabili ena alibindilwe, pantu cena calilandilwe ukukomailwa, "uuli onse uyo ukampana pamo Nankwe akatamfiwa ukufuma mu Sinagoge." Cisuma, nga cakutila alitamfiwe atemwa nga cakutila ena tali, ena ali uwaikushiwa ukutila Lesa epo ali muli Kristu, kabili cilya cali Cebo. Kabili ni cinshi ico cena cacitile? Cena caletele kuli ena amaka ayakubuka ayo ayali muli Ena; ameni, cabushishe umukashana uyo wali uwafwa, kabili kulambalala, pantu ena alilwike ukutila Lesa ali muli Kristu, kabili Umulola Wakwe wali mu nga'nda yakwe.

⁷⁸ Lelo mu musumba uko Ena akushiwe, yalya maka yamo yena yali muli Ena, mumusumba umo Ena akushiwe, lelo bena tabatalile ukwiluka Wene. Umulola Wakwe, kuli bena, tawapilibwile nangu cimo; nalimo uwafulungana umo. "Nikwisa uko ifi fintu? Bena balanjeba ukutila Iwe ulacita *ifi ne fi*. Leka mone Iwe ukucita fyena kuno."

⁷⁹ Bushe tamwaumfwa cilya? "Nga kulya . . . Imwe mwe bumba lya ba pentecostal, kabili imwe mwe bantu, ukutila, imwe mwalicetekela mukundapa kwa bulesa? Uyu apa *kampanda-nakampanda* kuno lubali, leke mone iwe uku mundapa ena."

⁸⁰ Ulya ni ulya wine ciwa uwakale, umo wine uwasosele, "Nga Iwe uli Mwana wakwa Lesa, eba aya mabwe yasanguke umukate."

⁸¹ Umo wine ciwa wakale, ilyo ena ali na menso Yakwe ukufimbwa, bena bali mupumine Wene pa mutwe ne nkonto, kabili batile, "nomba," bapeleshenye inkonto, kuli umo no mubiye, kabili batile, "twebe nani ukumine Iwe kabili ifwe twalakucetekela Iwe nga Iwe uli kasesema." Ena tatalile. Ena tafukamina uuli onse. Ee.

82 Umo wine, ilyo Ena ali pa lupanda, atile, “Nga Uli Umwana wakwa Lesa, fuma pa lupanda no kushininkisha ukutila ni We mwana Lesa.” Ena ngalicitile cena.

83 Bena bali mulipile Wene umusangulo ukalamba nganshi Ena atalile ukukwata, kulya, lelo bena tabaishibe cena. Bena batile, “Ena apuswishe bambi; Umwine Ena teti aipusushe.” Nga Ena engaipususha, Ena Umwine tekuti apusushe bambi. Ena aliipele Umwine pakutila Ena engapususha bambi. Mwamona, bena tabaishibe Umulola wakwa Lesa. Epela fye.

84 Nomba cena cilaleta amaka kukundapa, kabili cinshi? Cena cilaleta amaka ukwisula amenso yenu ukwishiba Wene, atemwa ukupofwisha amenso yenu pakutila imwe mwikatala ukumwishiba Wene. Ico cisula amenso ya umo, cilesala amenso yaushacetekela.

85 Lelo, umusumba, bena tabakwete isubilo nangu limo muli Wene. Panga’nda ya mu Fariseo, ena alimulalike Wene kulya; kuli Simone, umuFariseo, kabili alipekenye icakulya ca mulalilo icikalamba, kabili umu Fariseo alefwaya ukushininkisha kuli bena kutila Ena tali ni Kasesema. E ico ena ali kunuma kulya ukukumishanya na malukombo yakwe kabili imilile yakwe, kabili yonse amafuta ya mununko uusuma mu nga’nda.

86 Kabili Yesu alipitile ukucila uwalesamba kunkasa kabili alikelele uku lubali. Kabili, ifiko, icena ca—ca mwibala pali Wene, uko inama shapitile mukashila, kabili imingila Yakwe. Ulya e mulandu wine basambile ku nkasa muli shilye nshiku.

87 Kabili, mulemona, icintu cakubalilapo, ilyo imwe mwalalikwa ku—kunga’nda kulya mu Palestine, ilyo bena balefwaya shilye ndyato, icintu cakubalilapo cali ukusamba inkasa shenu, kabili elyo kumupela imwe cintu cimo; kukwendelako pali bakapeti babo, ifikalamba ifisalu fya Pesian ne fintu, fyali ifyaemba.

88 Icintu cakonkelepo ico bacitile, bena lyena bapele imwe amafuta yamo ya minwe yenu. Yena bayafumya mu muapele unono uyo usangwa mu mpili, umuapele wa rose. Panuma ilyo rose afumapo, ulasha umuapele no mununko usuma. Kabili bena—bena balasuba pa menso yabo. Kabili ilye myengelele iya kasuba ka Palestinian yalibipisha, kabili, mulemona, cilya cilapanga icena. Kabili—kabili lyena ilyo mwacita, lyena umwine alesa pa mwinshi kabili alabafyompa bena pa mukoshi no kubasengela bena.

89 Musango nshi balya abalesamba kunkansa balekelele Yesu ukupita, ukwabula ukusamba inkasa Shakwe atemwa—atemwa—atemwa ukupela Wene amafuta ukuisuba Umwine, atemwa ukumufyompa Wene mwaiseni?

90 Lelo kwaliko cilende umunono kulya mu musebo. Bonse balya bakapepa kulya nomba, ibumba lyonse talyamwishibe

Wene. Kabili umwanakashi umunono uwabucilende, ena alolekeshe mulya, nalimo pa mpongolo, kabili ena ali mumwene Wene naikala nge luba lyapa cibumba.

⁹¹ Ulya e musango Ena abelamo ilelo pakati kebumba lyabakapepa nabo, iluba lyapa cibumba, uwabula ukusengelwa, ushatemwikwa. “Uwafiko, uwalamba, kakunkuluka wa mushilo,” bena baleta Cena, “umusango umo uwa—uwa muntu uyo ushaba mu mano ayatuntulu; kabuka, ubelenga amano,” atemwa umusango umo uwe shina ilyabipa.

⁹² Kabili Yesu, nalaisa kuli cena ama miniti ayanono, atile, “Mukalande ishiwi ukususha Umwana wa muntu, cikabelelwo luse kuli imwe; lelo ilyo Mupashi wa Mushilo akesa mukucita icintu cimo cine, ishiwi limo talyakatale ukubelelo luse kuli imwe.” Mwamona?

⁹³ Lelo kulya ulya umwanakashi umunono alimwene Ena alefwaikwa ukwafwilishiwa. Kabili ena alibutukilemo fye bwangu bwangu fye, alile no kusenda akabokoshi ka alabaster akaisulamo amafuta. Nalimo alishitile kena ne ndalama ukufuma muli bucilende bwakwe. Lelo cena cali ni cinshi? Ena limbi alitontonkenye, “Ena ni ka-Ena ni Kasesema. Lelo ndeibukisha umwanakashi na umbi mucikope candi, uwa musango naumbi ngo wandi; ena alikwete ishuko kabili ena alimwishibe Wene, kabili ena alibelelwo luse.” Kulya lubali pa cishima ca Saika, mailo mubushiku twalilandile pali cena. “Kabili nga kuti nafika fye kuli Wene, nalishiba Ifyo Ena aba, ndi no kubombela Wene umulimo. Nga bashala muli bena, nshilesakamana ifyo bena balecita. Nalamubombela Wene umulimo. Ine nalishiba Ena Mwana wakwa Lesa.”

⁹⁴ Ena alibutukilemo. Ena alipaleme mupepi nganshi kuli Wene, kabili ena alyumfwile ukushininwa nganshi. Ulya emusango uwacine umubembu ulelapila omfwa mu Mulola Wakwe, uwashininwa!

⁹⁵ Kabili ifilamba fyatendeke ukukonkoloka, kabili ena aleesha ukukanya fyena. Fyena fyatonene pa nkasa Shakwe. Ena ali no kumusuba Wene, lelo ifilamba ukukonkoloka pa nkasa Shakwe. Kabili ena atendeke ukukumuna shena, kabili—kabili kulalila, kabili—kabili ukukumuna shena ne ndupi shakwe. Kabili—kabili inkasa Shakwe shali shonse ishalamfishiwa no lukungu ulwali pali shena; kabili—kabili nga imwe mucine mulefwaya ukucetekela cena, ne cena icanama ukufuma mukashila, uuli onse balyendele akashila kamo kene. Kabili cilya cali palya icena cali pali Wene, naikala palya, kabili ifilamba fyakwe fyalettonena pa nkasa Shakwe, kabili ena aleesha ukukumuna shena. Kabili ena takwete itawelo nangu limo.

⁹⁶ Ni cinshi ukuemba kwa mwanakashi no bucindami? Caba mushishi wakwe. Ulya e mulandu wine mwebengi imwe

abanakashi ilelo mulashibeyako shena shonse. Cilya cilubo. Ena, ena abulile imishishi yakwe nokutendeka ukusamba i...inkasa Shakwe, no kukumuna shena, iyakwe—iyakwe imishishi iyaemba, ukufumye cena pali Wene, pa mwine, ukusenda ukusebana Kwakwe. Owe, mwe! Lilya e lintu imwe mwishiba Uyo uli mu mulola wenu. Mwamona? Ba nkashi shesu kuti babafye mupepi ukwiminina pa mitwe yabo, ukukwate mishishi ishalinga ukucita cilya. E ico palya ena asambile nkasa Shakwe, no kukumuna shena ne mishishi sha mu mutwe wakwe, kabili ena afyompele inkasa Shakwe.

⁹⁷ Kabili ulya Simone uwakale ukwiminina kunuma kulya, atile, “Huh! Huh! Owe, ine kuti na mumona fye ena ukukalipa. Ena tailwike ifyo Ena Ali. Atile, “Nacimweba ukutila Ena te Kasesema. Nga Ena ali ni Kasesema, Ena kuti ailuka umusango wa mwanakashi uyo uli mupepi Nankwe.”

⁹⁸ Yesu tatalile ukusesha ulukasa. Ena alolekeshe fye wene. Kabili ena ali no mwenso.

⁹⁹ Elyo panuma ena apwile, ena ukubomba umulimo kuli Wene, Ena alilolekeshe kulya, atile, “Simone, ninkwata icintu cimo ukusosa kuli iwe, iwe wacinjita kuno. Iwe naundeta Ine kuno,” mu mashiwi yambi, icakucindamikilwamo kuli ena. “Iwe walefwaya ukunangisha Ine. Iwe walefwaya ukushininkisha ukuti ine nshaba ifyo naba.” Kabili iwe, ilyo iwe wandeta kuno Ine, iwe nga wacisamba inkansa Shandi, lelo taucitile. Iwe nga wacimpela Ine amafuta ukusuba umutwe Wandi, lelo taucitile. Iwe tawacimfyompa Ine mwaiseni. Kabili uyu mwanakashi, ukutula ilyo njishile kuno, nasamba inkasa Shandi ne filamba fyakwe, na kumuna shena ne—ne mishishi shakwe, kabili ukutwalilila na fyompa inkasa Shandi ukutula ilyo ndi muno. Ninkwata icintu cimo ica kususha iwe, Simone.”

¹⁰⁰ Elyo Ena apilibukile kuli Ena. Ine kuti naelenganya ukwiminina ena kulya, kabili ayakwe ayakulu amenso ayaemba yonse nayalamba, kabili icinso cakwe, kabili uko ena akwete amafuta kabili—kabili ulukungu ukufuma mu musebo pa cinso cakwe. Kabili ena aletontokanya, “Nomba bushe ni mpanga icilubo? Bushe ni mpanga icilubo?”

¹⁰¹ Atile, “Kabili ndetila kuli ena, ishakwe ‘imembu isho shali ishing, shonse shalekelelwa. Kabiye mu mutende.”

¹⁰² Cali ni cinshi? Ena alilwike. Ena alilwike ishuko lyakwe. Mwamona? Ena ali citile cena. Ena alicitile Wene umulimo. Umu Fariseo tacicitile cena. Ena alimwene cena kabili ena alilwike Umulola Wakwe, kabili ni cinshi ico cena cacitile? Cena calisambile. Ni cinshi ico cena capele kuli cena? Ukubelelwo luse. Caletele kuli ena, ukubelelwo luse pa membu shakwe. Ni cinshi ico cena cacitile na cimbi? Cena nacimbi caletele amaka yakwa Lesa, ukulangisha kuli bena

abashatetekela ukutila Ena ali ni Kasesema. Ena alishibe ifyo wene ali. Cena na cimbi caletele insansa na maka no Mweo wa Muyayaya. Cena caletele cilya.

¹⁰³ Lelo uyo walengele umusomali ukalamba ukulu ukupopelwa mulya muli shilye nkasa ishaemba, ena tatalile ukwiluka Umulola wakwa Lesa muli Ena. Ena na cimbi alefwaya wene ukubomba ubucenjeshi ubwaanguka kuli ena, ukusansamusha kumo.

¹⁰⁴ Filya efyo isonde lifwaya, ilelo, caba mwina wafyakusansamusha. Lyena talifwaya Imbila nsuma. Bena balefwaya ukusansamushiwa.

¹⁰⁵ Kabili Pilato atile, “Ine kuti natemwa uku kabila ifipeshamano fimo ukufuma kuli Wene, atemwa icintu cimo icapala filya. Ukumuleta Wene kuno lubali.” Mulya mwine mu Mulola wakwa Lesa, no kukana Cena, pa mulandu (cinshi?) uwakutila ena alitashishe i—imitontonkanishishe ya cintu bwingi ukucila ifyo ena atashishe ukukwata ishuko ukuba mu mulola wakwa Lesa. Ni cinshi icacitike? Umwanakashi alibelelwo luse, no kupelwa umweo wa muyayaya; lelo ena alilufishe amano yakwe kabili alipenene, no kuipaya pa kuiposa mumenshi mulya mu Switzerland.

¹⁰⁶ Nomba, ukusakamana, ukusendwa nganshi ne tontonkanyo ilyalumbukwa ilya bulya bushiku, ukutila, “Ena ali ni Belesebuli; Ena alifye uwaitunga ukutetekela; takwali nangu cimo mucine kuli Wene,” ena, ni cinshi ico ena acitile? Ena akene cena, ena akene ishuko lyakwe mu Mulola wakwa Lesa. Ena ngalibelelwo luse. Atile, “Ninkwata amaka ukukutanika Iwe. Ninkwata amaka ukukulekelako Iwe.”

¹⁰⁷ Atile, “Iwe tawakwata amaka kano fye yaisa ukufuma kuli Tata.” Ena ngalishibe, nga ena alishibe Amalembo. Kabili ena, pa kuba umuYuda, nga lishibe cilya. Lelo, mulemona, intambi shali musambilishe wene. Ulya e musango cabelamo ilelo. Nga ena alisambilishiwe fye bwino! Ngo mwaume alicetekele ifyo Amalembo yasosele! Lelo intambi shakwe shali mufumishe kuli cena.

¹⁰⁸ Umusango umu wine nge fyo cili ilelo. Abantu bali no kusenda Imbila nsuma ya cine, uko Mupashi wa Mushilo aleisamo, kabili amaka no bukata bwakwa Lesa ukukakulula aba bembu ukufuma kulubembu no kubalenga ukuba abantungwa, no kubabatisha bena mu Mupashi wa Mushilo, no kundapa abalwele, no kulangisha ifishibilo ne fipapwa, kabili abantu bali no kutalukako no kusosa, “Iye! Nomba namwishiba ifyo lukuta lwandi lwatetekela? ‘Bulya buwelewele!’” Mwamona, imwe mulekana; imwe muleshitisha ububeli bwenu. Esau naumbi!

¹⁰⁹ Abengi nganshi balakwata ishuko limo line ilelo, ukwiminina mu Mulola Wakwe nge fyo bacitile lilya. Kabili

nalilya line, pa mulandu we tontonkanyo ilyalumbukwa, bena balakana Cena. Ukwiminina mu Mulola wakwa Lesa! Ndesunguka, we cibusa, muno bushiku, nga ifwe fwe bantu fwe bali Abenakristu, mu Mulola Wakwe, kabili natulwala, nga ifwe tatulekana ishuko ilya kundapwa pa kucetekela fye Wene? Ifwe fwe bailumbula ukucetekela Wene, tatwiluka mucine Umulola Wakwe, ifyo Ena alaile ukucita ilelo.

¹¹⁰ Ukushininkishiwa ku bulayo bwa bulya bushiku, Yesu aleebaula ilya nkulo pakukana cetekela icishibilo ca bu Mesaya Bwakwe. Ifwe tulemona cena pano, Ena alebebaula bena. Ukumwita Wene Belesebuli! Bena balefwaya Wene ukubombe icishibilo cakwa Mose, nalimo, ukwisula Bemba uwa Kashika. Bena balefwaya wene ukubomba icishibilo cakwa Dabidi, ukusenda icipuna ca bufumu kabili no buteko. Lelo takwali Amalembo ayo ayasosele ukutula Ena akacita cilya. Ena ali nokuba Kasesema. Ena aleisa, Imfumu. Ena ali no kuba Kasesema lilya, kabili Ena acitile icishibilo ico Lesa asosele ukutula Ena akacita muli shilye nshiku, kabili nalyo line bena balefwaya Wene ukucita icishibilo cimo ico icabasekeshe bena. Mwamona?

¹¹¹ Kabili ndesunguka fye nga ifwe tatulelekesha kuntanshi nganshi pa cintu cimo cili na ifwe. Ndesunguka nga kuti caba umusango umo wine fye, nga ifwe kuti twacilila fye ishuko lyesu? Ibukisheni, nge fyo ifipasho fyakale, ifipasho tekuti fitobaulwe. Icishibilo cakulekelesha, ukulingana na Yesu, Atile, “Nge fyo cali mu nshiku sha Sodoma, efyo cikaba mu nshiku ilyo Mwana wa muntu,” tacili Umwana wakwa Lesa nombamba, “ilyo Umwana wa muntu alesokololwa.” Lolekesheni kuno lubali uko cena cibebele ilelo! Mwe banandi, ine kuti namweba ifintu fimo pano ifyo fishili ifyalungama ukumweba imwe, lelo cena kuti ca mupapusha imwe.

¹¹² Ndefwaya ukumipusha ilipusho ilinono ilyo tuleleka, lintu tatulatwalilila noku kulongana, pa ma miniti fye ayanono. Ndesunguka nga kuti namwipusha ici.

¹¹³ Uuli onse alishiba ukutula isonde, mucifulo, ifintu fyonse nafikala mubutantiko kukwisa Kwakwe. “Ifinkunkuma mu ncende ishapusanapusana; umweshi uletona umulopa wakashika, atemwa imililo iyakashika konse fye, ukufimba Wene,” nge fyo Yesu asosele ukulolekesha pali cilye cishibilo mu nshiku shakulekelesha; “Bemba ukubuluma, imitima ya bantu ukufilwa ku mwenso, kabili nshita sha kumanama, ukulwa pakati ka nko.”

¹¹⁴ Lolekesheni pa kupondamikwa ukulipo ilelo! Lolekesheni kuli cena ilelo, icipendo amakumi yane ukufula mu California, ya ba bembuka na baume banabo, imyumfwile ya cifyalilwa yalifumishiwapo kale.

115 Lolekesheni pali cena...Lolekesheni pali cena ilelo, ifyo abantu bali nokwikala ku nga'nda, abo abaita abene Abenakristu, no kumfwa ku bamisango ya filya nga Pat Boone, Elvis Preslye, Ernie Ford, kabili balya abo abemba inyimbo isha bukapepa pa Mulungu; kabili lolekesheni pali filya fintu, bena balalolekesha pali bena ukufyompa bena abanakashi, ne fintu kunse kulya.

116 Ilyo, takuli umwaume ulingile ukufyompa umwanakashi mpaka ena amupa. Filya cilya cilundwa fya caume ne fya canakashi ukwampana. Lekeneni cibe fyonse ifyo cingaba, cena cilubo. Cena ulubali lumbi bulalelale. Ilyo ifilundwa fya caume ne fya canakashi fya kumyana, cena bulalelale. Kabili cena capangilwa...Umwaume ufyompa umwaume mukanwa, cena kuti ca mulenga ena ukuluka, atemwa umwanakashi ku mwanakashi. Cinshi capusanina? Cena caba u—cena caba ubulalelale, ulubali lumbi. Cilya cishinka. Icipasho cakwa Kristu ukufyompa na Bwinga Wakwe, mwamona. Imwe tamulingile ukucita cilya.

117 Kabili lolekesheni pali cena ilelo, yonse aya ma bunkolanya ne fintu, kabili umo umwina ukalamba uwakufyompana no kukumbatana. Kabili cena mucine mupepi fye bucende bwa pa cintu bwingi, ukuli konse, kabili abantu balipofula nganishi tabacimona cena. Cisuma! Ifintu fyonse fyaba mu mibele ya Sodoma, ubwina Sodoma ukuli konse, nge fyo Baibele yasosa.

118 Ifintu ifingi nganishi, lolekesheni muli ishi nshiku, ifyo Ena asosele fyali no kucitika! Lolekesheni pa mabulayo ayo Ena apele, ico cali no kucitika buno bushiku. Kabili lyena cencenteni cena, pali ifyo filecitika, no kumona apo tubebele, lyena muli no kumona nga cakutilla Ena acili mu Cebo Cakwe atemwa iyo.

119 Balefwaya ukumona icishibilo cakwa Mose, icishibilo cakwa Dabidi. Cilya tacali ica nshita yabo; calilaiwe mu nshita yakwa Mose na shilye nshita. Ubulayo bwa ino nshita bulingile ukufikilishiwa. Ena alilangishe palwalala kuli bena, Ena, na Malembo, kabili alibetile bena ukufwaya amalembo, ukumona bushiku nshi bena baikemo.

120 Ena alecita icintu cimo cine ino ine nshita nomba! Fwayeni mu Malembo, imwe mwe bacetekela Baibele. Ico cilingile ukucitika pano pene ilyo Kwisa Kwakwe takulabapo?

121 Lolekesheni kwi sonde, mucifulo; nomba, lilya li sonde. Lolekesheni pa lukuta, apo lubebele. Lolekesheni apo lubebele, “ukuwa, icifulefule, Laodikea, ukufumyako Icebo.” Icintu conse ukuya mu kabungwe akakalamba ka ma chalichi, Akabungwe ke Sonde aka Machalichi, ukupanga ululembo lwa ciswango; ico Baibele ibilisha ukuba icilubo, kabili fyonse filye fintu, kabili nomba ba Protestanti ukwenda fye ukuya muli cena, ukutangisha umutwe, ukwabula ukwishiba Amalembo.

Intambi shabo! Owe, bena balefwaya u—u—u—umuntu wa maka, kabili bena bali no kukwata umo. Bena bali no kumona ukutila naba mukwata.

¹²² Ena alikwete, lolekesheni, lelo Yesu alibilishe mukupwililika Umwine filya fine Ifyo Ena ali, kabili alishininkishe kuli bena Ifyo Ena ali, mu nshita Yakwe.

¹²³ Kabili icintu cimo cine ilelo! Nomba lolekesheni pali cena, lekeni tusende ilya imitantikile ya Luka 17, “Nge fyo cali mu nshiku sha Sodoma.” Lolekesheni kwi sonde, lolekesheni pa lukuta, imibele ya bwina Sodoma! Lolekesheni apo Loti abelele; ilyo balya baume baeseshe uku—ukwasha ukupatikisha mu mwinshi, kuli aba ba malaika, aba baume.

¹²⁴ Moneni, lolekesheni kuno. Kulya kwali... Lolekesheni, Abraham ali pa mulu wa lupili. Ena tali mu Sodomu. Cilya cipasho.

¹²⁵ Kwalibako lyonse amabumba yatatu aya bantu mukulongana kwa bukapepa; abacetekela, abaitunga ukucetekela, na bashacetekela. Lyonse balya batatu! Kabili balya bali palya; kuliko umwina Sodomu ushacetekela, uwaitunga ukutetekela Loti, na Abraham ulukuta ulwasalwa.

¹²⁶ Nomba, lolekesheni nkombe shabo muli bulya bushiku. Inkombe shibili shalile kulya no kushimikila ku Sodomu. Shena tashacitile icipeshamano nangu cimo, kano fye ukubalenga ukupofula. Ukushimikila kwa Cebo kulacita cilya.

¹²⁷ Lelo lolekesheni umusango wa cipeshamano uyu Malaika acitile uyo waikela na Abraham. Ena ali ne numa Yakwe ukufutatukila. Kabili aebela Abraham ishina lyakwe ukutila nalipilibulwa; amwitile ena “Abraham” mu cifulo ca Abram. Ena tekuti akwate umwana mpaka ishina lyakwe ilyo lyapilibwilwe, nangula Sarah. Ena alibebele bena ifyo ishina lyabo lyali. Malaika alibebele bena cilya. Kabili Ena atile ukuti Ena ali no kutandalila Sarah ukulingana ne nshita ya bumi.

¹²⁸ Na Sarah alisekele palwa cena. Kabili ilyo Sarah asekele... Umwaume ne numa Yakwe iyafutatilwa, Umwaume ukulye nama ya mwana wa ngo'mbe, kabili ukunwa umukaka ukufuma ku ngo'mbe, no kulya umukate; Umwaume, ulukungu pafya kufwala Fyakwe, umutandashi, ali ni Lesa Umwine. Kabili Abraham alilwike cena pantu Ena alishibe amatontonkanyo ayo yali mu mutima wakwa Sarah kunuma Yakwe. Atile, “Cinshi ico Sarah asekele mu mwine, ‘Musango nshi ifi fintu fingaba?’ Bushe kwaliba icintu icakosa kuli Lesa?” Mwamona? Kabili Sarah alibutukile panse no kukana cena. Atile, “Ee, lelo iwe wacitita.” Nomba, Ena ngalifumishepo ubumi bwakwa Sarah palya pene, kuli ena ukukana tetekela, lelo, mwamona, ena ciputulwa cakwa Abraham.

129 Kabili ukukanatetekela kwesu mukumonekela Kwakwe ukukalamba muli ino ora; ifwe twaba iciputulwa cakwa Kristu. Ena aba fye, mwamona, ifwe twaba—ifwe twaba, mwamona, ifwe. . . Ena—Ena alingile ukusunga cena.

130 Nomba, moneni, takwatala akubapo nshita mwi lyashi lyakale ilya nshita ya lukuta. . . Kabili nalishiba pali umo kasambilila uwacine ndelandako, kalemba we lyashi lyakale. Takwatala akubapo. Ine kuti naipusha kasambilila uuli onse uwa Baibele ukunjeba ine umwaume umo uyo watuminwe ku nshita ya lukuta, muli ulu lukuta ukutula ukutanikwa kwa kwa Kristu, bukapyunga bwe sonde lyonse, ubo ishina lyakwe lyapwishiwe na h-a-m, nga A-b-r-a-h-a-m, mpaka buno bushiku. Sankey, Finney, Moody, Knox, Calvin; lelo bushe kwalitala akubako G-r-a-h-a-m akale, Billy Graham, kabila wa mbila nsuma umukalamba kunse kulya ne filonganino ifyo fili mu Sodomu? Takwatala. Kwalibako Ora Roberts mupya kunse kulya na ba Pentecostal, icintu cimo cine. Bushe mwalishiba cilya?

131 Lelo, h-a-m! Nomba, G-r-a-h-a-m caba fye amalembo mutanda, lelo A-b-r-a-h-a-m caba amalembo cinelubali. Mutanda ni mpendwa ya muntu, akabungwe ka muntu, ukubomba kwa muntu; lelo A-b-r-a-h-a-m caba malembo cinelubali. Nomba moneni, mu Lukuta lwasalwa ulo lwafumishiwa kunse, te ifi filonganino, lelo lukuta Ulwasalwa ukwiminina, lwena luli no kukwata inkombe, nalo, muli ishi nshiku shakulekelesha.

132 Ni cinshi icilecitika kulya lubali? Ni cinshi cilecitika kuno lubali? Pashanyeni cena na filya ifyo Yesu asosele. Tacatala acibapo mwilyashi lyakale ifwe ukutantika. Kabili ifishibilo fimo fine ifyo fingacitwa! Bushe ta mwishibe, mwe fibusa, no kwiluka cena ni Lesa ukwika mu Mbila nsuma, mu bantu Bakwe, ukuilenga Umwine ukwishibikwa? Bushe ta muleiluka ora iyo tuleikalamo? Bushe natuibika fye fwebene ukutote ndupi shesu panono fye, ukulisha piano, no kusosa *ici*, kabili—kabili ukutaluka ukufuma ku Cebo, mpaka ifwe twaba fye abapofula kuli cena? Mucine ifwe tatwaba. Leken i twiluke ora iyo tuleikalamo.

133 Petro, Nathan, atemwa Nathaniel, ntile, kabili umwanakashi, bena balilwike cena. Bena, bena—bena balilwike icishibilo Cakwe, icishibilo ca buMesaya.

134 Cimo cine nomba nge fi fintu ifyo ndelanda. Lyena kuli ino nshita, Yesu atile. . . Nomba moneni, Ena alesontelela kunuma nomba, ukubeba bena palwa nshita. Lesa, mu nshita ili yonse, ilyo Ena atumine Mbila Yakwe, ico caba Icebo Cakwe, no kushininkisha Cena kuli ilya nshita; abantu abo bacetekele cena, cali ni nshita ikalamba kuli bena; abantu abo abashacetekele Cena, baile mu cimfulumfulu. Cena lyonse efyo caba.

¹³⁵ Nga filya mu nshiku shakwa Yesu, icintu cimo cine. Lolekesheni Wene naiminina apa nomba. Atile, “Nge fyo cali mu nshiku shakwa Yona, muli Yona; nge fyo Yona ali mwifumo lya cishimweshimwe, inshiku shitatu akasuba no bushiku, eflyo no Mwana wa Muntu ali nokuba.”

¹³⁶ Atile, “Ibifi kabili nkulo ya bucende ilefwaya icishibilo.” Nomba namwishiba ifyo ndetontonkanya Ena alecita? Ena alesesema, “Ibifi kabili nkulo ya bucende.”

¹³⁷ Ndesunguka ngo muntu uuli onse mu mano yakwe ayatuntulu kuti akana ukutula ifwe tatuleikala mu yanakuka kabili nkulo ya bucende, ilyo kubembuka umwaume no mwaume, ukupondamikwa! Kabili ukulekana mu America kwalicilamo nganshi ukucila inko ili yonse mwi sonde. Kabili isonde lyonse naliya mu cimfulumfulu ica cena. Batatu ukufuma pali bane, mupepi, balalekwa; ukushinguluka, ukusenda icintu conse ukushinguluka mu myaka ikumi limo mu cupo. Mwamona? Tontonkanyeni pali cena! Ukulekana, no kupa nakabili nokupa nakabili, ukuleka no kupa nakabili. “Bena balelya, ukunwa, ukupa abanakashi no kulekana mucupo.” Lolekesheni pali ora iyo tuleikalamo. Ni lilali catalile ukuba mu cimfulumfulu ca musango ifi?

¹³⁸ “Ibifi kabili nkulo ya bucende ilefwaya icishibilo, moneni, kabili bali no kupokelela icishibilo.” Cinshi? Ino nkulo. “Pantu nge fyo Yona ali munda ya cishimweshimwe, inshiku shitatu akasuba no bushiku, Umwana wa muntu alingile ukuba munda ye sonde inshiku shitatu akasuba no bushiku.” Cishibilo nshi ico ilya ibifi kabili nkulo ya bucende ikapokelela? Icishibilo cakubuka?

¹³⁹ Kabili ilelo, panuma ya myaka amakana yabili, ifwe nalyo line tulamona Yesu Kristu mu maka yakubuka Kwakwe, ukwiminina pakati kesu, ukucita ifintu ifyo Ena acitile lilya no kulaya ukucita. “Ibifi kabili nkulo ya bucende ili no kufwaya icishibilo, lyonse ukufwaya uku ‘nangisheni *ici*, kabili nga imwe kuti mwacita *ici* no kucita *ici*.” Bena bali no kupokelela cena, icishibilo ca kubuka.” Ena aba cimo cine mailo, ilelo no muyayaya; Icebo kulengwa kumonekela, ukwikala pakati kesu. Ifyo ifwe tulingile ukutotela Lesa pali *ici* cishibilo Cakwe icikalamba!

¹⁴⁰ Moneni Ena asontelele ku cintu cimbi palya. Atile, “Kabili nge fyo na mfumu wakukabanga akema,” ilya ni mfumu ya ku Sheba. Umfwikisheni nomba.

Na mfumu waku ka kapinda ka kulyo akabukila pamo na ba nkulo iyi mu bupingushi, no kubaseka: pantu afumine ku mpela sha pano isonde ku kwisa umfwa amano yakwa Solomone; kabili, moneni, uwa cila Solomone ali pano.

¹⁴¹ Moneni, lekeni tusontelele kuli cilya, ama miniti ayanono. Ena alebelenga Baibele imo ine iyo tulebelenga, palwakwa Yona, kabili Ena alebelenga palwakwa Solomone. Nomba ilyo nshita yakwa Solomone yaishile, ena akwete i...ena akwete icabupe cakulingulula. Kabili abantu bonse, inko yonse, yacetekele Cena. Umuntu onse ali no mutima umo kabili namucumfwano. Umuntu onse acetekele cena.

¹⁴² Ngo muntu onse, muno bushiku, nga America yonse, kuti yapilibukila fye kuli Lesa no kucetekela Lesa, cilya e cishininkisho icawamisha ico twakwata, cili no kuba icubo ca ma bomba ne fintu fyonse ifyashala.

¹⁴³ Takuli nangu umo uwatumpike Solomone. Bena bale mutina ena pantu ali umwaume uwakwete icabupe. Kabili abantu bali mucetekele ena nganshi. Ena atuminwe ukufuma kuli Lesa, mpaka bena ba mulengele ena ukube mfumu yabo. Inko shonse shalebatina bena; te pa mulandu wa maka yabo aya bushilika, lelo pantu Lesa ali pamo na bena.

¹⁴⁴ Kabili nga ino nko iyo ilumbula kuba iya Bwinakristu, nga kuti yacita fye, bonse muli bena capamo, ukwikatilila ukushinguluka ici ca bupe cikalamba ico capelwa kuli ifwe muli ishi nshiku shakulekelesha, Umupashi wakwa Lesa pa Lukuta. Te cisumino. Umupashi wakwa Lesa. “Te kumaka, te kubulamba, lelo ku Mupashi Wandu,” eflyo Lesa asosa. Mupashi wa Mushilo, Yesu Kristu mu musango wa Mupashi, pali ifwe, “cimo cine mailo, ilelo, no muyayaya,” ukulenga ici Cebo ukuba no mweo pa fyo Ena asosele ukutila Cena cikacita. Lolekesheni nganshi nomba.

¹⁴⁵ Owe, ilyashi lyalile mwi sonde lyonse! Bena tabakwete television ne filimba, ne fintu muli shilye nshiku, e ico yaile ukufuma kukanwa ukuya kukutwi. Kabili panuma ya kashita amaceleta ayakalamba yaishile ukwisafika ukuciluka Iciswebebe ca Sahara, ico caba ubulendo bwa myeshi itatu ukufuma ku Palestine ukuya fika uko ena aikele. Kabili icitetekelo cishila ku (cinshi?) kumfwa, ukumfwa Icebo cakwa Lesa. Kabili ena alyumfwile pali uku kulongana ukukalamba uko bena bakwete kulya lubali, kabili nshita ili yonse iceleta lyaishile ukufuma kulya, ena kuti aipusha, “Bushe imwe, bushe mwaishile ukupita mu Palestine?”

“Ee.”

“Owe, nga palwa cilya?”

¹⁴⁶ “Owe, cena cili—cena cacila cintu icili conse! Imwe tamwatala mumonapo ukulingulula kwa musango filya. Kabili cena caba fye kwati mulungu uwikele palya. Lesa wabo aimininwako mumwaume uwitwa Solomone.”

¹⁴⁷ Cisuma, “icitetekelo cisa mukumfwa.” Umutima wakwa na mfumu munono watendeke ukukabila ukuya kulya no kuyasanga palwa cena. Mwamona, ena asontelwe ku Mweo.

148 Moneni nomba, icintu cakubalilapo ukucita nomba, ena pakuba umusenshi, ena alingile ukukwata insambu ukufuma kuli bashimapepo bakwe, ukuya. E ico ine kuti naelenganya ukumona ena ukuya kuli shimapepo wakwe, no kusosa, “Tata uwa mushilo, ndeumfwa bena nabakwata ukupuputulwa ukukalamba kulya lubali mu—mu Palestine. Ndelomba insambu ukuya kulya no kuya imwena ne mwine.”

149 “Nomba, we mwana wandi, nomba iwe taulefwaya ukuisankanya muli fimo. . . Nangu cibe fyo, ifwe tatumfwana muli kulyo kupuputulwa, e ico iwe—iwe tekuti uye. Mwamona, lilya li bumba fye lya buwelewele. Kulya kuli—kulya takwaba nangu cimo kuli cena. Balya bantu basoso kutila bena balisa ukupita muli Bemba wa Kashika, kabili bena balicita fyonse *ifi, filya*. Takuli nangu cimo kuli cena. Nga kwalibako icintu icili conse nga cilya ukucitika, cena kuti caba fye muno mwine mulukuta lwesu.” Ifwe tucili twalikwata abasenshi.

150 E ico tulesanga ukutula ena atendeke ukumfwa insala. Atile, “Nomba lolekesheni,” atile, “balanjeba ine, ukuti, ‘Lesa wabo kulya lubali aimininwako mu muntunse, kabili amano yakwe yacila icintu icili conse. Ukulingulula kwakwe kwaliwama.”

“Owe, takuli nangu cimo kuli cilya.”

Atile, “Lelo ine—ine limbi. . .”

151 “Cisuma, lolekesheni, iwe uli na mfumu, iwe tekuti wampane mwi bumba lya bantu nga lilya. Cilya cili, iwe tekuti ucite cilya. Lilye bumba lya bantu, ilyaishibikwa isonde lyonse nga bakapepa abafulungana. Iwe tekuti ucite cilya.”

152 Lelo, mulemona, ilyo Lesa atendeke ukubombela pa mutima wa muntu, takuli nangu cimo icingakanya cena. Umulume, umukashi, abana, kacema, takuli nacimbi icingakanya cena ilyo muntu mucine ali ne nsala pali Lesa. Bena bali no kuya, nangu cibe fyo. E ico ena aliiteyenye, ukulenga ukuiteyanya.

153 Cisuma, ena kuti asosa, “Cisuma, nalamupela fye imwe. . . Ine nala—ine nalakutamfya iwe ukufuma mwisenge lyesu.”

154 “Cisuma, imwe kuti mwacita fye cilya. Nalaya, nangu cibe fyo. Ndi no kuya imwena ne mwine pali fyonse ifi, kabili mwamona.”

155 Ena aliletele imifungilo kabili ena alibelengele ifyo Yehoba alingile ukuba, pali bakasesema Bakwe kabili ne fyo ena alingile ukucita, ifyo kutila Icebo cakwa Lesa kuti calengwa kumonekela, ifyo Cena caishibe ifi fintu ilyo cena caimininwako, ukufimbwa mu mubili wa muntu, ifyo cena cingacita. Kabili ena alibelengele fyonse ifi fintu.

E ico ine kuti namumfwa Ena ukusosa, “Cisuma, loleksha, ibuku lyesu lisosa *ici*,” efyo asosele.

156 “Ee, lolekesha, ine...abandi icikolwe ca cicolwe ca ba nakulu baliminine ku cinso ca ilye milungu imo ine. Bena baliminine no kupepa amapepo, akasuba na kasuba. Takwatalile ukusela nangu kumo, ukuilishanya kumo, atemwa nangu cimbi icashala, kabili ninaka, iyi mimonekele iya fwa iyakale. Ndefwaya ukuya ukuya mona nga kwalibako Lesa uwa mweo.” Cena cintu cabipa nganshi ifwe tatwakwata abengi aba filya banamfumu ilelo.

157 E ico ena aliiteyenye ukuya. Nomba ilyo ena aishile kuli ici cifulo uko ena alingile ukuya, nomba, ibukisheni, ena alikwete ubwafya ubukalamba. Cena tacali icaanguka nge fyo caba kuli imwe. Nomba moneni ifyo ena acitile.

158 Pano pali cintu na cimbi ndefwaya, nshilefwaya ukusha. Ena asosele ici, “Nalaya kulya, kabili nalasenda indalama shimo. Nalasenda ifyabupe fimo. Kabili nga cena cishinka, ndi nokwafwilisha cena. Nga cena tecishinka, lyena kuti nabweshwa indalama shandi.”

159 Ulyo mwanakashi kuti asambilisha ba Pentecostal. Ee, mukwai. Ukwafwilisha ifintu kunse kulya ifyo fiseka nokusenteka palwa kundapwa kwa Bulesa, kabili nomba imwe mulafwilisha imitantikile ya pa mulabasa mucifulo ca lukuta lweni mwebene, cilya cishinka, no kuseka kabili ukusenteka pa fintu fine imwe mwacetekelamo.

160 Atile, “Ndi no kusenda shena. Kabili nga cena tacili icalungama, ine kuti nashibweseshamo.”

161 Nomba ibukisheni, ne ci conse icuma kulya, pali ishi ngamali. Kabili nomba ibukisheni, abaleenda icintu bwingi abena Ishimaele bali aba pupu ba muciswebebe, bali kunse kulya. Ifyo cali icintu icaanguka cena ukuba kuli bena ukuwilamo pa—pali ici citapwa, kabili, cinshi, bena ngabali bepeye bena balya bamuntungwi abanono abali pamo nankwe, nokusenda shilye ndalama kabili no kuya.

162 Lelo kwalibako icintu cimo palwa cena, ilyo imwe muli mucine abapangila, kabili Lesa aleisokolola Umwine, kabili imwe muli abapangile ukumona Kristu, takuba ubusanso ku ntanshi yenu. Imwe tamuposako amano ayali yonse! Ba doctor batila imwe muli no kufwa, imwe tamucimona cena. Ilyo imwe muleya pantanshi, imwe muleshiba kuliko icintu cimo kulya.

163 Icintu cimo mukati ka mutima wakwe, ukubilima, icitetekelo muli uyu Lesa! [Tapali kantu pali tepu—Ka.] ...imyeshi itatu iyakwenda mulya mu Ciswebebe ca Sahara. Tacali muli Cardilac uwa icipupa umwela. Iyo, iyo. Ena asendele imyeshi itatu ukuciluka Iciswebebe ica Sahara, nalimo ukwenda mubushiku, ukubelenga imifungilo, mutumfukumfuku mu nshita ya bushiku, mpaka ena alifikile.

164 Nomba, e mulandu wine Yesu asosele ena akeminina mu nshiku shakulekelesha no kwebaula ino nkulo, pantu bamo muli bena tekuti bende ukuciluka umusebo; kabili uwacila Solomone ali pano, Mupashi wa Mushilo Umwine. Mwamona? E mulandu wine Ena akema mu nshiku shakulekelesha no kwebaula ino nkulo!

165 Moneni, Ena mukulekelesha alifikile. Ena taishile nga bantu abengi, abantu bamo bali no kwisa kukulongana ukwaibela. Ena alishile no kusenda ingamali shakwe, kabili alile mulubansa, no kupopela amatenti yakwe, kabili ena ali nokwikala kulya mpaka ena ali uwashininwa.

166 Abantu abengi bali no kwisa, ukwikala nalimo ama miniti yasano, nalimo amakumi yabili na fisano. Lilyaline ilyo kabila wa mbila nsuma atemwa umuntu umo alesosa icintu cimo icapusana ku fyo ena—ena aletontonkanya ukutila icisumino cakwe cilesosa, atemwa ena, icisumino cakwe, panse balaya. Mwamona, tabakwata ne mibebe isuma. E mulandu wine ena akebaula ino nkulo; ena aishile mukwikala mpaka ena alishininwe.

167 Ine kuti naelenganya ukulongana kwakubalilapo lulyo lucelo, ilyo ntandala shonse shalilile, Kacema Solomone aishile fuma. Ena nalimo alikele kulya kumpela kunuma. Atile, “Nomba nalaimwena ne mwine. Ni njishiba filya efyo Yehoba alingile ukuba. Umuntu kuti akwata ukulumbula, lelo nalasanga.” E ico ena aikele kulya bulya bushiku kabili ena alimwene, kabili ena alimwene uuli onse uwaleisa kuntanshi. Ena alimwene kulyo kulingulula kwali ukwapwililika.

168 Mukulekelesha, lekeni tusose ikadi lyakwe ilya kupepelwapo lyalitulwe, ico nalimo tacali, lelo nshita yakwe yalishile ukwisa ku cinsu cakwa Solomone. Kabili Baibele itila, ukuti, “Ilyo ena aishileiminina ku cinsu cakwa Solomone, ukutila Lesa alekele Solomone ukwishiba inkama shakwe shonse. Takwali nangu cimo icafishilwe.” Lyena icipeshamano calicitulwe pali ena.

169 Elyo ena aishilepilibukila kwi bumba, kabili atile, “Fyonse ifi fintu ifyo naumfwa fya cine, kabili fili ifyapulamo ukucila ifyo naumfwapo.” Mwamona? Owe, takwali ubumi na bumbi ubwashele muli ena, umupu wakwe walifumishiwe muli ena, pantu pano pali umwaume uyo ushamwishibe, umweni, asokolwele ifintu ifyo ena alefwaya ukwishiba.

170 Owe, kabili Yesu ukwiminina kulya, uyo uwacilile pali Solomone! Ena ali umwisulo wa mutwe wa Bulesa mu mubili. Ena ali uwafyalwa kuli nacisungu Umwana wakwa Lesa. Ena afwele pali Wene, kabili Yehoba Umwine amonekele mu mubili. Kabili pano Ena aliminine palya mu mwisulo, kabili bena batile bena tekuti bacetekele Wene, ukulingulula

ukukalamba. Mwamona, Ena ali Solomone ukubikapo Dabidi, ukubikapo bonse abashala muli bena bali muli Wene. Bonse bakasesema bamonekele muli Wene, uwacila Solomone.

¹⁷¹ Kabili mpaka nakuli bulya bushiku, Atile, “Nga mwalanda filye fyebo ukususha Ine, nala mubelelo luse imwe. Lelo ilyo Mupashi wa Mushilo akesa, cikaba icapulamo ukucila ifyo cili nomba, kabili ukwebaulwa ukwingi.”

¹⁷² Kabili pano ifwe natwiminina ilelo ukumona ulya umo wine Lesa ukucita icintu cimo cine! Ndecetekela ena akema mu Bushiku bwa Bupingushi no kwebaula ino nkulo, pantu ena alilapile no kucetekela imbila iyo Solomone aleshimikila, no kucetekela pali Lesa. Ena alimwene icintu cimo icituntulu.

¹⁷³ Namwishiba, bwafyanshi ubulipo ilelo, kuliko abantu, abantu abengi, pamo na bantu abo ababako kabili abaya fye ku chalichi kabili balikwata icisumino. Mwamona, bena balimona ifingi nganshi ifyo fyaba ifya bufi, ifingi nganshi ifimpashanya fye, kabili ifingi nganshi ifya fisuma ifikulu ifikulwa. Kabili—kabili, ifwe, mwileka—mwileka tukatale ukuya mu fintu ifya cimfulunganya nga cilya. Mwamona, Lesa tekala mu fikulwa ifikalamba; Ena ekala mu mutima wenu. Mwamona, Lesa tekala mu masambililo aya buntunse; Ena aba kutali ukufuma kuli cena. Ena ekala mukupetama, mu mutima wenu.

¹⁷⁴ Ena ekala mu Cebo Cakwe, kabili Icebo Cakwe cisa mu mutima wenu kabili cilailandila Icine, no kubilisha. Ena alelula Icebo Cakwe Umwine kupitila muli imwe. Ena alesha ukusanga umuntu umo Ena engekatilila, ukulangisha ukutila Ena acili ni Lesa. Mwamona? Kabili Ena ali, Ena ali no kucita cilya nga Ena kuti asenda fye umuntu umo Ena engalandako. Nga Ena kuti asenda umwanakashi umbi no kusuma kwa mulopa, Ena kuti neli line alanda icintu cimo cine. Ena kuti ne liline acita icintu cimo cine, ukulengwa ukwishibikwa, ukubilisha. Ifwe tuli mu mulola wakwa Lesa, ukwabula ukwiluka Wene.

¹⁷⁵ Cilenjibukisha ilyashi ilinono. Ine limbi nalimyeba lyena inshita imo, nshishibe. Kuti lyaisa ino ine nshita. Nge fyo imwe bonse mwaishiba, ine—ndalunga inama ishikulu. Kabili nali kulya mumitengo iya ku kapinda ka ku kulyo, naleya kulya mukulunga, inshita fye yonse. Kabili nalikwete umunandi kulya lubali uwe shina Iya kwa Bert Call. Ena ali umulunshi umusuma, nalimo Nsamya lubali. Takwete ukusakamana palwa ena, ena tekuti alube. Kabili ifwe mucine twali ifibusa, lelo ulya ali umuntu uwabipa sana, mu mutima, natala monapo. Ena takwete fye umutima nakalya. Ena alelasa tunasele utunono, tulya ni tunasele utunya, ukunenga fye ine ukumfwa ububi. Kabili ena kuti asosa, “Owe, imwe bakashimikila mwakwata umutima uwacikuku. Billy, iwe kuti waba umulunshi umusuma nga iwe tawali kashimikila.” Atile, “Iwe walikwata umutima wa cikuku nganshi.”

Natile, “Bert cilya te mutima wa cikuku.”

¹⁷⁶ Nomba, cena cili fye bwino ukwipaya tunasele utunono nga ifunde efyo lisosa. Abraham alipeye umwana wa ngo'mbe no kulisha wene kuli Lesa. Cena tacaba ubukulu bwa yena atemwa icifyalilwa ca yena.

¹⁷⁷ Lelo cena cali fye no bubu na cena, kabili ena kuti alasa fye tulya tuna sele utunono no kulaseka fye, ukuseka pantu naleumfwa ububi palwa cena. Cisuma, nomba, ena—ena alicitile cilya.

¹⁷⁸ Kabili umwaka umo nalile kulya. Kabili ena aliipangile umwine pinto inono iyo ena engalisha, kwati ni nasele umunono, ifyo ibilikisha, namwishiba, kuli nyina. Kabili e ico atile, “Iwe, Billy, ilyo ifwe tatulatendeka ici mulucelo,” atile, “Ndefwaya ukukulangisha iwe icintu cimo ico nkwete.” Kabili ena alangishe cena kuli ine.

Natile, “Bert, iwe tekuti ubomfye icintu cimo nga cilya.”

¹⁷⁹ Atile, “Owe, kabiye uko.” Kabili umwaume ali na menso kwati fye ni malinso, nga filya bamo abanakashi abo abesha ukupenta amenso yabo, namwishiba umusango, nga filya. Namwishiba, alolekeshe kuli ine, na yalya menso aya moneka nga yakwa malinso, kabili ilinso, lyena lyali fye mupepi no kuntinya.

Kabili—kabili natile, “Bert, wiesha ukucita cilya.”

Atile, “Owe, imwe bakashimikila aba mutima wa cikuku!”

¹⁸⁰ E ico ifwe—ifwe twali...ine nali celelweko ukubuka panono ilya nshita. Kabili shilya isha kukapinda ka kukuso isha mucila uwa buta...Ba nasele benu abepunda kuno, ena ali no kwenda ukwisa kuli imwe, lelo te shimo isha shilya. Ilyo lyonse ilyo yena yalaswa, yena ili...Imwe mulelanda pali Houdini pakuba kalenga uwabutwike, ena taishibisha, kuli bena. E ico nshita yalipwile kabili shena shalilashilwepo. Kabili balya banasele balibeleme, ukulalya mubushiku mu lubuuto lwa mweshi, no kulala mu kasuba. Ifwe twalyendele ukuyafika fye konse kulya ukwa kale ku Jefferson Notch, ukuya fika kulya ku Lupili lwa Washington. Twakwete, cali nalimo ama inch mutanda aya menshi makasa pa mushili, umwela usuma uwa kulungilako; nshatalile monapo amolu nangu yamo.

Atile, “Ni cinshi ico uletontonkanya, Billy?”

¹⁸¹ Natile, “Kulya iwe naushipela umwenso shena shonse ukufuma kuno, shilye mfuti isha kale isha mpolopolo ishingwi iwe ulelisha.”

¹⁸² Kabili e ico ifwe twalitwalilile ukulaenda. Panuma ya kashita, nalimo leveni koloko. Ifwe lyonse twalesenda i—inono imo iyayalya mabotolo ya flask iyaiswilemo chocolate iyakaba.

Cena nga imwe mwacenekwa, atemwa icintu cimo na cimbi, ico cili ukumfwa umfwa, kabili no mukate. E ico cali nalimo eleveni atemwa eleven sate, ndemona, ifwe twaishile apabuta nalimo icipimo ica ici icibansa kuno, atemwa ici cikulwa, kabili umwabula ifimuti. E ico ena ali fye ngo waikele panshi, abikile mfuti yakwe ukushintilila kucimuti, atendeke ukwikata panuma *apa*, kabili natontonkenye ena ali no kubwelelamo kusenda ilyakwe—ibotolo lyakwe ilya fyakaba. Natontonkenye, “Cisuma, ifwe twalalya.”

¹⁸³ Ilingi line ifwe tulaya pa mulu walupili no kulya, kabili umo alaya ulu lubali kabili umo no mubiye, kabili ukwisabwela. Ifwe twalishibe inshila ukushinguluka, bwino. Kabili ifwe nga twaipaya nasele, ifwe tula kobeka fye pa mulu, kabili elyo ifwe tuleshiba, tulaya no kwafwilishanya umo no mubiye ukushiletamo. E ico natontonkenye ena ali no kuya ukulya fye icakulya cakwe icakasuba, kabili ifwe kuti twapatukana, pantu cena cali fye mupepi lya fimuti fya mbao. E ico ine . . .

¹⁸⁴ Ena aikete kunuma. Kabili ine natendeke ukusenda flask, ukusenda chocolate yandi, no kutendeka ukusenda nga filya. Kabili ena afumishe kalya kapinto akanono akakale ukufuma mwitumba lyakwe, kabili ena akaputilemo na maka nga *fi*ly. Kabili alolekeshe kuli ine nayalya amenso ayalemoneka nga yakwa malinsu nakabili. Kabili aputile ulya pinto. Kabili ilyo acitile, nalimo fye ubutali ngo kucilinganya cino cikulwa, nasele umukota umukalamba aliminine.

¹⁸⁵ Nomba nga imwe bamo ba nkashi kuti mwaishiba, nasele umukota ni nasele nacifyashi. Kabili, mwamona, ilya pinto yali akanya, kabili kena kalilile, kabili uyu nasele umukota umukulu aliminine. Kabili lilya line nalimo leveni koloko mukasuba, uuli onse ulunga banasele alishiba ukutila ilya ni nshita yabipa. Shena shilalala.

¹⁸⁶ E ico ena aliminine no kulolekesha mumbali. Ine kuti namona fye yena palwalala fye. Ena alolekeshe pali ine nakabili, kabili ena ali lishishe nakabili. Kabili mucifulo ca—ca kubutuka, ena aendele fye palya palwalala.

¹⁸⁷ Nomba, cilya ceni. Shena tashicita cilya. Umulunshi uuli onse alishiba cilya. Kabili shena tashicita, kabili shena tashakacite cilya. Lelo ena aendele fye kulya kwine. Cinshi? Ena ali ni nacifyashi; kalya kali kamwana. Kena kali, mwamona, calyalwa fye muli ena ukuba nacifyashi, kabili kalya kamwana.

¹⁸⁸ Kabili Bert alolekeshe panshi, atintile kalya ka kutinikilako kunuma, ukulekelako kena pali ilya iya makumi yatatu zero mutanda. Kabili ena alishibishe ukulasa. Kabili nalimumwene ukuleleta panshi nge *fi*, kabili nalishibe ena ali no kupolesha umutima waiko uwacishinka ukufika fye kumbali shonse shibili, utufyela twa mwanda umo na makumi cinekonse konse,

impolopolo iya musango wabowa. Kabili natontonkenye, “Musango nshi iwe wingacitilamo cena, Bert? Musango nshi iwe wingaba uwabipa nganshi, ukwita ulya nasele nacifyashi kulya kwine kabili no kulasa umutima wakwe ukufuma fye muli ena, kabili ena ukwisha ukusanga umwana wakwe? Musango nshi iwe wingaba umunkalwe nganshi ngo kucita cilya? Ine naletontonkanya cilya. Kabili nalimu mwene ukuibwisha munshi nga *filya*.”

¹⁸⁹ Kabili ine tekuti, ine nalifililwe ukulolekesha pali ena. Cali cililemo nganshi. Ndeмона nalikwata umutima wacikuku. Nafutatwile fye inuma yandi, kabili natontonkenye, “Lesá, musango nshi ena engacitilamo cena? Musango nshi umuntunse engaba umunkalwe filya, ukucita cilya, ukulasa fye ulya mutima wacishinka uwakwa nacifyashi ukuufumya fye muli ena?”

¹⁹⁰ Nomba, ena taleesha ukucita fye. Ena talebika fye icilangisho. Ena ali ni nacifyashi ena ali mwene umulunshi ilyo ena aposele ilye mfuti panshi, bushe ena alibutwike? Iyo, mukwai. Akana kakwe kali mubwafya, kabili ena aleesha ukusanga akana kakwe.

¹⁹¹ Kabili nalifutatwile inuma yandi, ilyo nalesosa, kabili natendeke. Natile, “Shikulu Lesa, musango nshi ena engacitilamo cena?” Nalimwene, no kulolela, ukulolela, imfuti tayalilile.

¹⁹² Kabili naishilepilibuka no kulolesha, kabili mfuti yaleya nge *fi*. Ena tekuti ekatilile yena nakabili. Ena alipilibwike, yalya ayakulu amenso ayakwa malinso yalipilibwike, ifilamba fyalekonkoloka mu masaya yakwe. Ena aposele mfuti yakwe pa lulamba, kabili atile, “Billy, nalikwata ifingi ifya cena, ntungulula kuli ulya Yesu iwe ulelandapo.”

¹⁹³ Kulya kwine fye ukwali amenshi makasa nali mutungulwike kuli Kristu. Mulandunshi? Ena alimwene icintu cimo icituntulu, ena alimwene icintu cimo icali icacine cine. “Nga bena baikatilila i . . . umutende wabo, amabwe yali no kubilikisha.” Ulya nacifyashi tali ushafwele nangu cimo. Ena ali ni nacifyashi umwine mwine. Temulandu nga cakutila cali ni mfwa, atemwa ifyo cena cali, ena aliminine fye mucinso fye ca mfwa, ukwishiba ukutila miniti fye uuli onse ilye mpolopolo kuti yalasa ukupula mu mutima wakwe, lelo ena alefwaya akanya kakwe.

¹⁹⁴ Owe, nga ifwe kuti twaba fye Abenakristu nganshi nge fyo ulya nasele ali nacifyashi! Cinshi? Ena afyelwe nacifyashi, ena afyelwe ukuba nacifyashi. Ifwe twalifyalwa ukucetekela Icebo cakwa Lesa. Ifwe twalifyalwa ukucetekela Yesu Kristu.

Natukontamike imitwe yesu.

¹⁹⁵ Ni banga muno ino ine nshita, no kuboko pa mulu, abengasosa, “Munyina Branham, mucine ine kuti natemwa

ukuba Umwinakristu wa musango filya nge fyo nasele umunono ali nacifyashi. Ine—ndekabila ukutula umutima wandi wali fye uwaisushiwamo na Kristu icakutula kuti naiminina mu cinso ca cintu icili conse no kuba Umwinakristu uwa cine nga filya fine fye ngefyo ulya nasele ali nacifyashi. Ine, ulya e musango wakwishiba uo ndefwaya”? Bushe mwalaimya ukuboko kwenu? Lesa amupale. Cilya cisuma. Lesa amupale. Abengi nganshi, ukuli konse. Ndetasha nganshi ukutula imwe mucili mwalikwata icalinga icintu cimo icituntulu muli imwe ico cili no ku mulenga imwe ukucetekela.

¹⁹⁶ Mwamona, nga cakutula imwe tamwacetekele? Bushe cilya teti cibe ica nsoni, ukumona ushatetekela mucifulo uko imitima yabo yaba iyakosa nganshi mpaka bena tekuti bacetekele nakalya, cabapwila, ukuya, abaluba, ukukanaishibapo nangu cimo palwa cena, ukwabula ukwishiba ni ora nshi ilyo imfwa ingakonkonsha pa cibi? Imwe mulingile ukuselela mu Muyayaya.

¹⁹⁷ Kabili Yesu atile, “Kano fye umuntu afyalwa cipya cipya,” aba Umwinakristu nganshi nge fyo ulya nasele ali na cifyashi, “imwe tamwakatale ukumona Lesa; imwe ca mupwila, te mulandu ni yanga ama chalichi mwingailundako.” Ena alelanda ku ntungulushi kapepa wa bulya bushiku, Nikodemu, umwaume wa myaka yakufyalwa amakumi cinekonse konse, no kumweba ukutula ali no kufyalwa cipya cipya, ena alingile ukuba umusango wa Mwinakristu nga filya nasele ali na cifyashi kulya.

¹⁹⁸ Bushe kwacibako umo uyo ushacimya amaboko yabo, uyo mucine uwishibe Umulola wakwa Lesa, ukwiluka Wene no kusosa, “Ninjishiba ukutula ndi mucilubo”? Ilyo imwe mwaishiba muli mucilubo, imwe muleluka Umulola wakwa Lesa.

¹⁹⁹ Lelo ilyo imwe tamwishibe ukutula imwe muli mu cilubo, Baibele itila, “Imwe muli nkumbabulili.” Muli iyi nshita, ulukuta lukaba, “nkumbabulili, ubulanda, umubusu, impofu, no bwamba, kabili ukwabula ukwishiba cena.”

²⁰⁰ Tontonkanyeni fye ngo mwaume atemwa mwanakashi ali mumusebo, uwa nkumbabulili, impofu, umubusu, umulanda, kabili ubwamba, kabili bena kuti mwabeba bena kutula bena bali ubwamba, kabili bena kuti baumfwila kuli imwe, lelo nga cakutula bena bali ubwamba kabili bena tabalecetekela cena? Ifyo cingaba ubwafya bwa bushilu cilya cili!

²⁰¹ Cisuma, nombu, ulya e musango wa mibele ya bumupashi cibebelelemo. Abantu balipofula muli bumupashi, inkumbabulili, ubulanda, ubwamba ku cinso cakwa Lesa, ababembu ukwasha ukufimba abene kunuma ya mabula ya mukunyu aya cilonganino cimo, kabili tabacishiba cena.

²⁰² Bushe kuti mwaimya ukuboko kwenu, umuntu umbi? Lesa akupale. Cilya cishinka. Lesa akupale. Lintu iwe...Nalimo

imwe muli beni muno, tamwatala mumonapo Lesa ukucita cintu cimo. Lelo ilyo imwe tamulamona icintu icili conse, imwe, nalyo line imwe mulesosa, “Nalasumina cena pa mulingo wa Cebo. Ninjishiba ukutila uwacila Solomone ali pano; ukalamba Mupashi wa Mushilo wakwa Lesa epo ali. Ndeiluka Wene. Ndecetekela Wene. Nalaimya ukuboko kwandi. Ndi mubembu; nalalomba ipusukilo.”

²⁰³ Shifwe uwa mu Mulu, paleni aba bemishe amaboko yabo. Ifwe tulelomba ukutila uluse Lwenu lupelwe kuli abo abali—abali ababembu. Cilya cili, nalimo bena baba ku lukuta. Bena, cilya nalyo line tacilepilibula bena tabali ababembu. Kabili bena bacimya amaboko yabo, bena balefwaya ukupusushiwa. Shikulu, kwacibako Icintu cimo kuli bena. Bena baciluka Mupashi wa Mushilo kulya. Kabili bena—bena baciluka ukutila Wena aciba ni Lesa, kabili Wene acilalanda kuli bena, ukutila, ukutila bena tabakwata kulyo kwishiba uko balingile ukukwata, kabili bena bacimya amaboko yabo.

²⁰⁴ Mwatile, “Uyo uli nokwisa kuli Ine, nshakamutamfye nakalya.” Kabili ninjishiba cilya cishinka. Imwe mwatile, muli Yohane Washila 5:24, “Uyo umfwa Ifyebo Fyandi no kucetekela muli Ine, nakwata Umweo wa muyayaya; takese mu Bupingushi, lelo nafuma mu mfwa aingila mu Mweo. Uyo uwingisa kuli Ine, nkamupela Umweo wa muyayaya, nkamwimya mu nshiku shakulekelesha.” Yalya ma bulayo Yenu, Tata.

²⁰⁵ Ndepoka cila umu uwa bena. Nalimo umu Mwinakristu, Shikulu, uyo uleesha ukwenda ukupita mubumi, ukwasha ukwikala bwino, cila bushiku, kabili bena—bena balefwaya ukwishiba ukwa—ukwa—ukwakwenda bwino, bena bacimya amaboko yabo, nabo. Tata, ndepepa ukutila Imwe mwalabapala bena. Lekeneni bena basange fyonse ififwaikwa muno bushiku muli Kristu, Icebo ukulengwa umubili pakati kesu. Peleni cena, Shikulu, na bapela bena kuli Imwe, mwi Shina lyakwa Shikulu Yesu Kristu. Amen.

²⁰⁶ Lesa amupale. Kabili ilyo mwikele tondolo nganshi, mwamona, pakashita fye; owe, mwe, ndi ama miniti yasano ukucila pa nshita yandi nomba. Njeleleniko. Nshacipilibula ukulanda inshita itali filya. Ndemweba, lekeneni fye tulolele pakashita fye, mpeniko fye na yambi ama miniti yasano nga kuti mwacita.

²⁰⁷ Ni banga abaishiba ifyo Lesa ali? Ifwe twalishiba ifyo Baibele isosa Ena ali, kabili Baibele itila, “Ena aba cimo cine mailo, ilelo, no muyayaya.” Kabili Yesu atile, muli Yohane Washila icipandwa ca 14, vesi ya 12, Atile, “Uyo wacetekela muli Ine, imilimo iyo ncita nao akacita.” Te uyo uitunga ukucetekela, lelo, “uyo wacetekela muli Ine.” Bushe co cishinka, bamunyinane bakapyunga? Cilya cishinka? Ni banga

bakabelenga ba Baibele abaishiba ukutila cilya cishinka? “Imyulu ne sonde fikapita,” lelo Ifyebo Fyakwe teti fifilwe. Ena alilaya cilya.

²⁰⁸ Nomba, kuliko, ukwabula ukutwishika, abantu abalwele mukati kenu uko lubali. Nshamwishiba imwe, nakalya. Kabili ukushininkisha ifyo nacilalanda pakashita akapitapo, nge fyo Malaika wakwa Shikulu mu nshiku shapitapo, inshiku shapita, ukupita, Yesu atile, “Nge fyo cali mu nshiku shakwa Loti, efo cikaba na mukwisa kwa Mwana wa Muntu.” Bushe imwe tamulemona ico nacilalandapo, yalya mashina ne fintu fyonse ifyashala mucifulo, ulukuta ukwikala umwalungama, bushe kuti mwacimona cena? Nomba ndi uwashininkisha imwe mulebelenga pakati ka mishilwa iya fintu ifyo ine nshilandile mulemona ifyo ndepilibula. Nomba nga imwe mwe bantu muno, abali abalwele no kubulisha, naba . . .

²⁰⁹ Mulimo nshi nkwete ukuba kuno? Cinshi ico ningemininapo kuno, nga kabepa? Nga ine nalecita cilya, cena ni nshita kuli ine uku. . . Ine, nshilecita, nshilekabila ukuba no mweo. Ine, ine kuti cawama ukufwa. Ine, ine kuti cawama ukuya kunse no kuba icintu icili conse ukucila ukuba kabepa. Kabili ni cinshi ico Lesa akacita kuli ine? Kabili nshishibe ukutila nalaba no mweo inshita yonse iya bushiku, nangula imwe mulecita. Lelo kabepa, ifwe tulefwaya ukuba. . . Mulandunshi uwa kubakabepa, ilyo imwe mwingaba abacishinka nganshi? Lelo, mulemona, Cena ceni nganshi kuli imwe.

²¹⁰ Nomba, lolekesheni, nga nalanda ukutila aya Malembo yalingile ukufikilishiwa, ayo nabelenga nokulangisha imwe mu nshita sha bushiku shibili ishapitapo, ifyo Yesu ali, ifyo Mulola Wakwe uli nomba! Kabili Ena alingile ukubwela mu nshiku shakulekelesha, ifwe twalishiba cilya, ukupitila mumubili wa muntu, no kuilangisha Umwine umusango umo wine. Ifwe bonse twalishiba cilya. Bushe twalishiba cena? Soseni “ameni” nga cena efo cili. [Ulukuta lwatila, “Ameni.”—Ka.] Cisuma. Nomba ukusansamusha imwe, ndesosa kuli imwe ukusosa ici kuli imwe, mwi Shina Lyakwe: Ena ali muno, umo wine Lesa uyo waishileika no kulanda kuli Abraham, ali ne numa Yakwe ukufutatwila kwi tenti, kabili Sarah mukati ke tenti, Ena alishibe ifyo Wene aletontokanya.

²¹¹ Ena asosele icintu cimo cine ilyo Ena aishile pano. Ena alolekeshe pe bumba no kwishiba ico cali mumitima yabo. Umwanakashi akumishe kwi laya Lyakwe; Ena alolekeshe mumbali mpaka Ena ali musangile wene, no kumweba wene.

²¹² Impofu Batimeo akumishe ilaya Lyakwe, ilyo ena abilikishe, “We Mwana Dabidi, kwata uluse,” ukwiminina intamfu imyanda ibili ukufuma uko Ena alepita. Icitetekelo cakwe caiminike Umwana wakwa Lesa, mu musebo, kabili alipilibwike no kusosa, “Muleteni kuno.”

213 Sakeyo umunono pa mulu mucimuti, aliifishile umwine, atile, e ico Ena tacetekele Ena ali ni Kasesema, nao. Kabili Yesu aishile fye kulya, aiminine mwisamba lya cimuti no kulolekesha pa mulu, kabili atile, “Sakeyo, ika,” aitle ishina lyakwe.

214 Ilyo Yesu ali talamonapo Petro, na Andreyo ali muletele wene kulya lubali. Ilyo Ena amumwene ena ukwisa, atile, “Ishina lyobe ni we Simone. Niwe mwana wakwa Yona,” ali mupele ishina lyakwe, alimwebele ifyo ena ali.

Aebele Nathaniele uko ena abelele, ifyo ena acitile.

215 Umwanakashi, kabili umusango wa bwafya ena alimo, ico cali ubwafya bwakwe, ico cali ubulwele bwakwe.

216 Ulya e Lesa, mwe fibusa! Ni banga abacetekele cilya no mutima wenu onse, ukusosa, “Ulya alingile ukuba Lesa”?

217 Ni banga muli imwe muno abaishiba ukutila ine nshashibapo icintu nangu cimo palwa imwe, imyeni ukuboko kwenu, soseni fye, “Nalishiba ulya umwaume taishibapo icintu nangu cimo palwa ine, ukuba fye—ukuba fye ena muntu fye”? Cilya eco ine naba, munyinenwe fye. Ndi pano ukweshu ukumwafwilisha imwe.

218 Lelo ndebilisha! Nibanga ababelenga ibuku lyandi ne fintu? Imwe, namwishiba, imwe mwalicetekela cilya, Icine? Ishi ni nshiku shakulekesha. Kabili nomba Shikulu Yesu atwafwilishe.

219 Kabili nga Ena alaisa muno bushiku...Kabili mwileka umo uwa muli imwe asele. Ikaleni fye umo mwine fye mu fipuna fyenu apo mubelele, no kucetekela, kabili Shikulu Yesu alaisa muno bushiku no kushininkisha ifi fintu ifyo Ena asosele, ifi fintu ifyo Ena alaile. Nga Ena alashininkisha fyena ukuba Icine, bushe mwalicetekela pali Wene? [Ulukuta lwatila, “Ameni.”—Ka.] Cetekeleni!

220 Shifwe uwa mu Mulu, nomba ninanda palwa Imwe, ifyo Imwe mwali, ifyo Imwe muli, nomba Shi Imwe mwingesa fye kuntanshi ukumonekela. Kabili balya bantu abekele kunge kulya mwi bumba, abeni umupwilapo, shi Imwe mulenge Mwebene ukwishibikwa kuli ifwe muno bushiku, Shikulu, pa kutila twingeshiba no kwiluka ukutila aya Malembo nayafikilishiwa, ukutila “Yesu Kristu aba cimo cine mailo, ilelo, no muyayaya”? Kanshi nga ifwe tuleikala mu nshiku shakulekesha, nge fyo Ena asosele ukutila Ena ali no kuisokolola Umwine mu nshiku shakulekesha, nga filya Ena acitile ku Sodomu ilyo mwana wa bulayo talafika kuli Abraham, cisuma, aba bufyashi bakwa Abraham abo abalelolola Umwana wa bufumu, icintu cimo cine cali no kucitika. Kabili moneni nangula ni ku fintu, inshita, amashina,

ne fifulo fyonse fili ifyapwililika mu mushilwa, Tata. Twafwilisheni, ifwe tulepepa, mwi Shina lyakwa Yesu Kristu. Amen.

²²¹ Nomba ndefwaya imwe ukupepa, cila umo muli imwe. Conse fye ico cili icilubo, mwipusheni fye Wene. Nomba Ena ni Shimapepo Mukalamba.

²²² Mu nshila imbi, ni banga bakapyunga abali mucikulwa, imyeni amaboko yenu, ukuli konse? Ndemona kuliko amakumi yatatu atemwa amakumi yane. Nomba ni banga muli imwe abaishiba ici, ukutila Ibuku lya Baheberere, Icipingo Cipyaa, cilatweba ukutila ino ine nshita “Yesu Kristu ni Shimapepo Mukalamba Uyo twingakumya kufyakumanama fyesu”? Bushe kuti mwaimya amaboko yenu nokusosa, “Ninjishiba cena Cishinka. Baibele ilasosa cilya”? Cilya cishinka. Cisuma.

²²³ Kanshi nga Ena ni Shimapepo Mukalamba, Ena aba cimo cine mailo, ilelo, no muyayaya. Kanshi nga imwe mwacimukumya Wene muno bushiku, Ena kuti abomba nge fyo Ena acitile kunuma kulya. Bushe cilya cishinka? [Ulukuta lwatila, “Ameni.”—Ka.] Nge fyo Ena acitile mailo!

²²⁴ Cisuma, ilyo ulya umwanakashi akumishe ilaya Lyakwe. Mwatila, “Owe, lelo nga ine kuti nacita!” Icitetekelo cenu cilakumya cena. Ku mubili, Ena taumfwilepo. Cali icitetekelo ca mwanakashi, ico cakumishe ilaya. Icitetekelo cenu kuti camukumya Wene nomba. Bushe mulecetekela cilya?

²²⁵ Kanshi nge Cebo cakwa Lesa calengwa ukumonekela, Ena ali no kusokolola cilya icintu cimo no kulangisha icintu cimo cine. Bushe mulecetekela cilya no mutima wenu onse? [Ulukuta lwatila, “Ameni.”—Ka.] Cisuma, nomba subileni fye Wene, cetekeleni Wene. Mwiesha ukutwishika. Lelo kwatani icitetekelo muli Lesa, ukutila Ena ali no kucita cena. Umo muntu *ulu* lubali, akupepeni fye no kucetekela fye no mutima wenu onse, elyo umo muntu ukulola *ulu* lubali. Kabili nga Lesa alaleka umo atemwa abantu babili abo mwaishiba, cilya e kupwililika, ni banga muli imwe abalacetekela lyena ukutila ifwe twaliluka Umulola Wakwe? [“Ameni.”] Kanshi cilya fye ceka ecili icikankala. Cilya fye ceka ecili icikankala.

²²⁶ Na mayo uwikele apo pene, ukulolekesha pali ine uko, ulecushiwa no bwafya bwa mutima. Bushe ulecetekela Lesa alaundapa umutima, ukukulenga ukuba umutuntulu? Iwe naukwata ubwafya bwa mutima. Nga cilya cishinka, imya ukuboko kobe. Bushe ndi mweni kuli iwe, bushe tawaishiba? Lelo cilya cishinka, cisuma, iwe, namayo, ne mfwi kumutwe uwikele apo. Cisuma.

²²⁷ Na mayo ne ca green, wacimya ukuboko kobe apo, ukutila iwe—iwe...Ubwafya bobbe ni anthritis bushe ulecetekela ukutila Lesa alakulenga iwe ukuba umutuntulu, na anthritis? Nga cilya cili icalungama, imyaka ukuboko kobe. Mwamona?

Cisuma. Mwamona? Cilecitika fye ukwimya . . . Nomba Icintu cimo cacisa pali iwe, bushe tacitile? Mwamona, lulyo Lubuuto. Ni banga abatala ukumonapo icikope ca lulyo lubuuto? Palya lwena lulelebelo, palya pene pa mwanakashi. Pa muku fye umo uusuma uwawamisha nganshi bwacisa pali iwe. Cilya e cicitile cena, mwamona. Lesa acikupala iwe, ukukundapa iwe, ukukulenga iwe ukuba umutuntulu, bushe ulecetekela cena?

²²⁸ Bushe ulecetekela Ena alishiba ico cili icalubana na iwe? Eka fye Ena e ungakundapa iwe. Cena cinshingwa icafita, umusamfu. Nga cilya cishinka, imya ukuboko kobe, na mayo wa caice. Ukutontonkanya ukupusanako panono ukucila ifyo wacitita ama miniti ayanono ayapitapo, bushe taucitile? Ulemona ilyo nacileka bulyo bwite, kucita cilya? Cilya efyo cacibelapo, caciba icakuli iwe. Nomba nga iwe walacetekela no mutima obe onse, filya ifya kufulukuta fyalafuma kuli iwe. Bushe walasumina cena no kucetekela cena no mutima obe onse? Lesa akupale. Kabiye, cetekela cena.

²²⁹ Uyu na mayo uwikele pano pene, alecula no bwafya bwa mumala, bushe ulecetekela ukutila Lesa alakulenga iwe ukuba umutuntulu? Apa pene pa mpela, bushe ulecetekela ukutila Lesa alakundapa iwe, ukulenga iwe umutuntulu pa bwafya bwa mumala? Ulecita, ulesumina cena? Cisuma. Lesa akupale.

²³⁰ Ndi mweni umupwilapo kumwanakashi, nshamwishiba ena. Ena ali fye umwanakashi uwikele palya, lelo Lesa alecicita cena. Bushe mulecetekela no mutima wenu onse nomba? [Ulukuta lwatila, "Ameni."—Ka.] Cisuma, kwatani fye icitetekelo.

²³¹ Na mayo uwikele apa pene fye pa mpela, Alecushiwa no bwafya bwa cisu. Nakwata amabwe aya cisu, ilibu, cilakucusha iwe. Nga cilya cishinka, imya ukuboko kobe; umweni umupwilapo kuli iwe, nga cilya cishinka. Mwamona?

²³² Na mayo uwikele ukupalama fye kuli iwe, ena alecula, nao. Mulemona Lwena, bushe imwe tamulemona lulyo Lubuuto pali ulyo mwanakashi? Umwanakashi nakwata ubwafya bwa mfyo. Cilya cishinka. Ena nakwata ubwanga mumisu mumfyo shakwe. Cilya cishinka, imya ukuboko kobe. Na mayo uyo wacikukumya iwe lilya, ena alecula na u—ukucushiwa kwa mwenso. Imwe bonse babili muli beni, imwe tamuliba kuno. Cilya cishinka, te ifyo fine? Imwe mwafuma ku Iowa. Imwe mwafuma ku musumba wa Des Moines. Cilya cishinka, te ifyo fine? Bushe ulecetekela ukutila Lesa kuti anjeba ifyo ishina lyobe lili, nga filya Ena acitile Petro? Nga iwe uli nokucetekela no mutima obe onse! Ishina lyobe niwe Mrs. Wolff. Cilya cishinka, imya ukuboko kobe. Cisuma, bwelelamo uwaundapwa nomba, Yesu Kristu akulenga ukuba umutuntulu.

²³³ Bushe muleiluka Umulola Wakwe, imwe namwishiba Ena ali pano? Lyena bushe imwe tamwabike ndupi shenu pali umo no mubiye nomba, ilyo Mupashi wa Mushilo ali pali imwe. Ulya Mupashi wa Mushilo pali imwe. Nomba uuli onse muli imwe kuti aundapwa nomba nga imwe muli no kucetekela cena. Bushe mulecetekela fye cena no mutima wenu onse? [Ulukuta lwatila, “Ameni.”—Ka.]

²³⁴ Shifwe uwa mu Mulu, takuli nangu cimo icisheleko nomba kano icitetekelo. Ifwe nomba twakana imfifi yonse. Ilyo kupuputulwa, ngefyo nacisosa pa ntendekelo, amatamba yalesa palya pa menshi ukuyafundaula pa mulu na panshi, uku—uku—ukufumyapo ukukanatetekela muli cena; nomba ilyo Mupashi wa Mushilo aleenda uku no ku mukati ka bantu muno, lekeni ukukanatetekela konse kufumishiwepo, kabili lekeni amaka yakwa Lesa Impalume yakakulule ulecula uuli onse ukuba umuntungwa muno bushiku.

²³⁵ Ndeebaula Kasebanya. Satana, iwe tauli nangu cimo kano kabepa, kabili iwe waletwa pa mbilibili kuno kwine pakati ka bantu, ku cishininkisho ca Malembo ica Yesu uwa mweo uwabuka. Ndekweba, kuli Lesa uwa mweo, fuma muli aba bantu no kubaleka baye, ku bukata bwakwa Lesa.

²³⁶ Bonse abo abalesumina ukundapwa kwenu, iminineni pa nkasa shenu nomba, no kusosa, “Ndecetekela. Te mulandu ico cingacitika, inshita ubutali cingasenda, ine nalyo line ninjishiba ndi nokuba umutuntulu. Nasumina kwena, no mutima wandi onse.”

²³⁷ Imyeni amaboko yenu nomba. “Na mutotela, Shikulu.” Shikulu alumbanishiwe. Cilya cishinka, lumbayeni Wene. Nomba imyeni fye amaboko yenu no ku mulumbanya Wene pa kundapwa kwenu, umusango mucitilamo mu nkuta shenu. Munyina . . .



UMULOLA WAKWA LESA UKUKANAILUKWA BEM64-0618
(The Presence Of God Unrecognized)

Iyi Mbila na Munyina William Marrion Branham yaletelwe pali Cine icungulo bushiku, June 18, 1964, ku Municipal Auditorium mu Topeka, Kansas, U.S.A. yafumishiwa muli tape iyambulwa kabili nailembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2014 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalebwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org